

JOSUA

Josuare papia qârenkewec qârenjic e Mose hâmome Josuazi Israe njicguru micne bajarehame Kanaan mârenko razimbinj irec binanj bakacte papia zâne JOSA mukicne. Papia qârenkewec njic zâne ine mi manangopenenj. Josuazi Israe njic micne bajarewec damenj ira hâcne Wofunj Anutire mumupanj dân fâri fidetenhehec ewec. Anutu e juwicnao Israe njic miminjefâc-jenij jaje mârenj binj qajarewec i Josuazi micne bajarehuc juha ro rauc embinj hâcne. Eme papia zirec manao wenijuc erâ ro rauc embinj, â Josuazi wenijuc erâ bâtâc bajarewec, erâ nejizic hae 6 bâwosâec-jopambinj â Lewinjic hae 48 jarembinj irec binanj sasawa qârenkekicne fokac. Eme Israe njic jaje damenj ira wenijuc ehuc juhapij wiac zârâ zâpâne bocjaha fua-jarewec, erâ njifec Anutuzi nejizic-jopahuc bafic-jopawec irec dân i mâmâc qârenkekicne fokac hâcne.

Josuare papia bâfâuckepene dâkâne jahec â moc fuakac.

Gay 1—12. Izi dâkâ namba 1 ekac. Gay wiac irec manao Israe njic jaje Jordân opâ fotâcnerâ Kanaan mârenj rauckembinj irec binanj fokac.

Gay 13—22. Izi dâkâ namba 2 ekac. Eme irec manao binanj kecziñuc forakac: Josuazi mârenj bâtâc bajareme Israe njic gurune gurune jaje ru sâc ro rauc embinj.

Gay 23—24. Izi dâkâne namba 3 ekac. Eme irec

manhao ine Josuazi Israe ñic mâtoc-jopahuc dân gâcne jaza qâmoc ewec, â Sikem haéo tumanj sâko fuawec irec dân mecne, erâ Josua hâmoc-ticnere binañ i mâmâc qârenjekicne fokac.

Josuare dân fârine moc gan 24:15 tataranao kecziñuc fuame wosenjopenenj: “No â wiacfâc-nane nâñe ine Wofunj kinanj qacnenanmu.”

Kanaan mârenj roninje zawiembij

¹ Wofunje kinanjñic Mose e hâmoame Wofunzi Nunte ñokâ Josua, Mose babafic-ticne hâcne, e ziñuc âzâcnewec: ² “Kinanjñic-nane Mose e hâmowec. Irec go â ñic ñokac sasawa ñoñe faharerâ Jordanj ocninucnao raziniñ, mârenj i hâcne Israe ñic ñoñe ñarekopac. ³ Mârenj sasawa kikenjenjiczi âteninmu i Mose mupanjeknepo irec sâcko ñarekopac hâcne. ⁴ Mârenj burocnaonec funkerâ wareku Lebanonj mârenj zira fisirâ raku Eufрата opâ sâkoo mickekac, erâ wâc zoanjuhunao Hâwec Sâkoopec mârenj forakac, Hitinñic janere mârenj sasawa hâcne, i ñonjere efâreocmu. ⁵ Juju damenj fogareocmu sâc ñic moczi sâcne mi bawa-hacguocmu. Mosehec jupo irec sâc jaha gohec jupemu. No behegupe bekâ mâsinj moc mi ecmu. ⁶ Go sananjerâ hâbiges roc. No mimi ñosafâc-ñenñic mupanjek-jarehuc mârenj biñe qajarepo i jarepe ro rauc eninje bâtâc bajareze-mec. ⁷ Mocjaha, go sananjerâ hâbihec ezemec. Â Mose kinanjñic-nanezi mumupanj dân râehuc mutâcne-garewec irec sâc aimunjuhuc wiac ebac

ezore manasuzemec, ehuc fâreopec me qanaopec moc mi qâsoriezemec. Inuc ehuc gie i me i batec fârine bianne fuaocmu. ⁸ Papia qizec zirec maŋnao sâcmutâc dân fokac i gore micko hati fuahuc fozejec, â zoan̄ko me ŋafeo irec manatâc qâtâc ezemec. Ehuc wiac sasawa qâren̄kekiecne fokac irec sâcko jucmurâ manasuzemec. Go inuc ehuc jucmuo ine giece fârinehec eocmu. ⁹ Go sanan̄kerâ hâbigie rocmurâ mi gazapo me? Irec hâwicgume maŋge mi gâckezejec. Wofun̄ge Anutu no jucmu sâc gohec jupemu.”

¹⁰ Eme Josuazi ŋic ŋokac micnefâc-ŋen̄ic kecziŋuc mutâcne-jarewec: ¹¹ “Ŋoŋe teun̄ sâc fotâcnehuc ŋic ŋokac ziŋuc jazaniŋ: ‘Ŋoŋe nânâ-ŋen̄ic rike bâmoc efâreniŋ. Eme zoan̄ jahec â moc ehame Jordan̄ opâ zi fotâcnerâ Wofun̄ Anutu-ŋen̄iczi mâren̄ ŋarekac i ro rauc eniŋte razin̄zepien̄.’”

¹² Eme Ruben̄ â Gade jahere qâricfâc â Manasere ŋicguru dâkâne jaŋe mâmâc Josuazi ziŋuc jazawec: ¹³ “Wofun̄te kin̄an̄ŋic Mose e dân̄ ziŋuc muhuc ŋaza qâmoc ewec irec manasun̄zepien̄: ‘Wofun̄ Anutu- ŋen̄ic e ŋoŋe jumananiŋte manahuc mâren̄ zi hâcne ŋarekac.’ ¹⁴ Mosezi Jordan̄ ziŋucnao mâren̄ ŋarewec forakac ira ŋokac naru motec â bulimakaofâc-ŋen̄ic jaŋe jun̄zepien̄. Juhapie ŋic sanan̄ne tâpirichec ŋoŋe zikare zawierâ opâ fotâcnerâ ŋifecnao qomâfâc-ŋen̄ic bânie-jarehuc bafic-jopan̄zepien̄. ¹⁵ Ŋoŋe inuc ehuc juhapie, Wofun̄zi ŋoŋe juju mana mâren̄ ŋarewec inuc jaha qomâfâc-ŋen̄ic jaŋe jareocmu. Eme

jane Wofunj Anutu- ñeniczî mârêñ jareme ro rauc ehapie ñoñe wâc risierâ mârêñ- ñenicko junzepien, Wofunje kinanñic Mosezi Jordanj zinjucpec zoan wewefunao mârêñ ñarewec ira hâcne.” ¹⁶ Eme jane Josua dânj zinjuc bâtikiecnembiñ: “Wiac sasawa mutâcne-nârekomec i efârenanmu. Ehuc ira me ira soresc-nâpotec rananmu wâc. ¹⁷ Nâñe Mose micticne renkehuc wiac sasawa mume ebac embenj irec sâc jaha gore mic renkenanmu. Mocjaha, Wofunj Anutugezi Mosehec juwec irec sâc jaha gohec juzejec. ¹⁸ Moc e wiac i me i ebac eocte mucnetec dânge qatarahuc sâcmutâcge râsi ecneocmu e hâmocko râezo. Go ine sasananñhec â hâbihec ezemec.”

2

Ñic jajahec Jeriko hae hone tâcnenicte soresc-jofambin

¹ Nunte ñokâ Josua e kamierâ ruc bapa ñic jahec-ticne mârêñ hone tâcnenicte Sitim haeonec jasa soresc ehuc muwec: “Rarâ mârêñ hone tâcnenic. Erâ Jeriko hae i hone-hâmozepirec.” Eme jahe rapic. Raku Jeriko haeo fisirâ sasec ñokac moc juwec, zânene Rahaba, ere ficko ferâ fopic. ² Ehame Jeriko haere ñicwofunj zinjuc âzâcnembiñ: “Manakic, Israe ñic gâcne mârêñ hone tâcneninñte ñafeo zira warembin.” ³ Eme Jeriko haere ñicwofunji Rahabarao dânj zinjuc râeme rawec: “Ñic jajahec warerâ figao fepirec ñekopirec jahec râec-jofatec warenic. Jahe mârêñ- nâñec hone tâcne-fârenicte warepirec.”

⁴ Nokac e ine ñic jahec sonjofawec. Ehuc muwec: “Ñic jajahec norao warepirec i jâmbomac. Mâc jahe wenirec warepirec i mi manakopac. ⁵ Dapâc eme motâc hezo ehapie ñic jahe hurâ rapirec. Erâ weniñucpec rapirec ine mi manakopac. Bâruñ jaha jâpec-jofa raniñ. Ñoñe sâcne bâfuac-jofaniñmu.” ⁶ E jahac ine jowac-jafarâ fe ficbupuo bunda râe guruc ewec ira biac sonjofawec. ⁷ Ehame ñic jañe roc-jofaniñte basac-jofa raku Jordan opâ rendacnao fisimbiñ. Basac-jofaniñte hurâ rahapie haesac motâc hembini.

⁸ Eme ñic jahe ine waha fozo ehapiere ñokac e jaherao ficbupuo fewec. ⁹ Ferâ ñic jahec jasarâ muwec: “Wofunzi mâreñ zî ñoñe ñarewec i no mana-jâmbânkekopac. Eme ñoñere hâhâwiczi boc fusucmac-nâpowec. Ehuc mâreñ zirec ñecjucfâc-ticne sasawa nâñe ñoñere maio weañkenğopenen. ¹⁰ Ñoñe Aigita mâreñkonec wefuhapie Wofunzi zâñe fai-ñenjicko Hâwec Bâbâron mume kereñkewec â Amori ñic jañere ñicwofun jajahec, Sihon â Ogo erâ gurufâc-jekic Jordan ocniñucnao jopa miziembini, i mana-fâremben. ¹¹ Nâñe i manahuc maññâñec betañkeme hâbi-nâñec ñenğoronkewec. Ñoñere Wofun Anutu eki sawa faic sambânko â mâreñko zira Anutu mocjaha juekac. ¹² Eme ñohe zî Wofunte maio mupañke-narenic. Noni bubian qañactekopac iñuc jaha ñoñe mamac-nanere fic zî bubian qacneniñmu irec ma jâmbân moc mufua-narenic. ¹³ Ehuc nenğoc mamac, hahac qa, señ qo â wiacfâc-nane sasawa akic-nâpohuc juju-nâñec hâmockonec bataranzepien.” ¹⁴ Eme ñic

jahe ñokac âzâcnerâ mupic: “Sâcne, ñopaniñmuo nâhere juju wâc omaezejec. Go nâhe mi mufuac-nâfocmuo Wofunzi mâren ñâreocmu damen ira sioc tâmiric bubian qañarenanmu.”

¹⁵ Eme ñokac e ficticne haesachec iticne-huc bakicnere ira ñeñe juju ewec. Irec ñic jahe qâqâtâc katanjo repao râec-jofame sac râpeo hupic. ¹⁶ Ehuc jasarâ muwec: “Basac-ñofanğopien ñic i jañe bâfuac-ñofanzipinje tiki mârenjo razepirec. Eme ira zoan gie bapa jahec â moc sonkerâ juhapire basac-ñofanğopien jañe risie-fârepie ine ñohe hata-ñekic zuhuckerâ razepirec.”

¹⁷ Eme ñic jahe ñokac âzâcnerâ mupic: “Go enâctetec dân zi mupanjekoperec ine wiac zinucte bahac fâsâc enacmu: ¹⁸ Nâñe mâren zira ware fisinanmu damen ira go repa bâbâronj zi râec-nâfotec wahakoperec i qâqâtâc katanj zira zâfickezemec. Ehuc nenğoc mamac jahecge, hahac qafâcge â mamacgere wiacfâc jañe sasawa figao qâzuc-jopa-fârezemec. ¹⁹ Eme moc e gore fickonec waharâ hae zonao juocmuo ine socticnere kinj i e jahacne faio fehame nâhe bahac fâsâc enacmu. Â ficko juhapie moczi moc jopaocmuo irec socte kinj i nâhere faio fezejec.

²⁰ Go nâhere gie zi mufuacmuo ine dân zi mupanjekoperec i wahame bahac fâsâc enacmu.”

²¹ Eme ñokaczi jasarâ muwec: “Dâñ mukopirec irec sâcko fuazejec.” Inuc murâ sorec-jofame rapic. Ehame qâqâtâc katanjo repa bâbâronj i zâfickeme domawec.

²² Eme jahe rarâ basac-jofambin ñic i jañe risieninje tiki mârenjo zoan gie bapa jahec â

moc wonec jupic. Ehame basac-jofambin jaŋe hatao babasa gie sâko baku mâc risiembîn. ²³ Nîc jahe ine tiki mârenkonec mocwâc waharâ Jordan opâ fotâcnerâ Nunte ñokâ Josuarao fisirâ wiac fua-jactewec irec binan bacne-fârepic. ²⁴ Ehuc Josua âzâcnerâ mupic: “Wofun e jâmbomac mâren sasawa i nânâcne meo râe-fârewec. Erâ i sawa mâcne, mâren irec ñecjucfâc jaŋe zengoma nânâcne hâwic-jopame manjenic gâcke-fârekac.”

3

Israe ñic jaŋe Jordan opâ fotâcnembîn

¹ Josua â Israe ñic sasawa jaŋe uupicte Sitim haeonec faharerâ rambîn. Raku Jordanko fisirâ fotâcneniŋte teun âterâ fombîn. ² Eme zoan gie bapa jahec â moc tarame micnefâc-jeŋic jaŋe teun sâc fotâcnehuc ³ ñic ñokac zîŋuc jazambîn: “Lewi guruonec taha bapa jaŋe Wofun Anutu-ŋenicte zâzâfic katapa renkeniŋmu i honerâ teun-ŋenickonec faharerâ bâjâpec-jopanzepien. ⁴ Ehuc hata weniŋuc jaha raniŋmu i mana taranzepien. Nŋe mârâc hata zira rac warec moc mi embîn irec. Erâ nŋe â zâzâfic katapa nŋonden-ŋenicko sawane fozejec. Sawane i maile nâfocne irec sâc ezejec. Nŋe irec manfunko mi ranzepien.” ⁵ Eme Josuazi ñic ñokac jazarâ muwec: “Tomâcko Wofunzi zâŋe fai-ŋenicko mâsi qeŋ bipinehec baocmu irec nŋe sowa juhuc man saha-ŋenic emasanke-fâreniŋ.” ⁶ Erâ Josuazi taha bapa jazarâ muwec: “Zâzâfic katapa renkerâ ñic ñokac bânie-jarenîŋ.” Mume jaŋe katapa renkerâ ñic ñokac bânie-jarembîn.

⁷ Ehame Wofunzi Josua âzâcnerâ muwec: “No zoan zira funkerâ Israe ñic sasawa janere zâñe faio bafecgupe jaje zinuc mana taranzepeñ: No Mosehec jupo irec sâc jaha gohec jupemu. ⁸ Erâ go zâzâfic katapa renkeninmu taha bapa i jaje ine zinuc jazazemec: ‘Ñoñe Jordan opâ mecnao fisirâ ira domanzepeñ.’” ⁹ Eme Josuazi Israe ñic ñokac jazarâ muwec: “Fisi-fârerâ Wofun Anutu-ñenict e dâñ mananiñ.” ¹⁰ Erâ zuhuckerâ muwec: “Anutu jujune e ñonden-ñenicko jukac i zinucko mana taranzepeñ: E zâñe fai-ñenicko Kanaan ñic, Hitinñic, Hiwinñic, Perizi ñic, Girigasi ñic, Amori ñic, â Jebusi ñic jâmbomac jâpec-jopaocmu. ¹¹ Mananñopieñ, mâreñ sâko mâreñ irec Wofun ere zâzâfic katapazi bânîe-ñarehuc Jordan opâ fotâcneocmu. ¹² Irece Israe ñic guru sâc ñic moc moc rocjopakupie 12 enzepeñ. ¹³ Eme mâreñ sâko mâreñ irec Wofun ere katapa renkeninmu taha bapa i jaje kike-ñeniczi Jordan opâ âte uapie tâcneocmu. Ehame opâ faicnec wahakac i kanan hecicne tinac domaocmu.”

¹⁴ Eme taha bapa jaje zâñâfic katapa renkerâ bânîepie ñic ñokac jaje teun-ñenickonec faharerâ bâjâpec-jopahuc Jordan opâ fotâcneninte rambiñ. ¹⁵ Ehuc katapa renkembiñ taha bapa i jaje Jordanko fisirâ kike-ñeniczi opâ qañenñao hurâ âtembiñ. (Qa roro damenñko Jordan opâzi ine boc siwinñehuc qañenñe sâckerâ foekac.) ¹⁶ Ehame opâ faicnec wahaekac izi siwinñerâ ferâ raku Zaretan heririn Adama hae ñekac ira mickewec. Â opâ juwicne ine raku mâreñ buroc-nere hâwec, Hâwec Hâmocne hâcne, ira huekac

i kereŋke-jâmbânkewec. Eme ñic ñokac jaŋe Jeriko hae ñifecnao fotâcnembiŋ. ¹⁷ Fotâcnehapie Wofunŋe zâzâfic katapa reŋkembiŋ taha bapa i jaŋe Jordan zâzâŋiŋko kereŋnao domahapie Israe ñic guru sâko jaŋe kereŋnea fotâcneku fotâcne-fârembiŋ.

4

Jordan opâonec qânâ 12 rombiŋ

¹ Eme ñic guru sâko jaŋe Jordan fotâcne-fârepie Wofunzi Josua ziŋuc âzâcnewec: ² “Ñic guru sâc jaŋeraonec ñic moc moc rocjopatec 12 enzepieŋ. ³ Erâ jazazemec: ‘Jordan zâzâŋiŋ, taha bapa jaŋe domaŋgopieŋkonec jâmbân qânâ 12 rorâ hâpo ranzepieŋ. Ehuc hae ñafeme foniŋmu ira hepie ñezejec.’” ⁴ Eme Josuazi Israe ñic jaŋeraonec guru sâc ñic moc moc bâwosâec-jopame 12 embiŋ jaŋe hefârec-jopawec. ⁵ Ehuc jazarâ muwec: “Wofun Anutu- ñeŋicte katapare maŋfunŋko fotâcnehuc Jordan zâzâŋiŋ- ticnaonec ru sâc qânâ rorâ hâpopie Israe ñic guru zare-nâŋecte sâc ezejec. ⁶ Eme izi ñoŋerao ma moc ezejec. Ehame juku qâricfâc-ñeŋic jaŋe wio-ñarehuc ziŋuc muŋiŋmu: “Qânâ zirec funŋe weninŋuc fokac?” ⁷ Wio-ñarepie ziŋuc jazanzepieŋ: ‘Wofunŋe zâzâfic katapare maio Jordan opâzi tâcnewec. Tâcneme fotâcnembiŋ. Eme Israe ñic jaŋe ranŋa ranŋa irec manasuhuc juniŋte qânâ zizi majenŋic erâ ñehuc juzejec.’”

⁸ Josua e Wofunzi âzâcnewec irec sâcko ñic ejareme jaŋe Jordan zâzâŋiŋkonec qânâ 12 Israe ñic guru zare-ñeŋicte sâc rombiŋ. Erâ hâpo

raku fombin^{ko}a hepie newec. ⁹ Eme Josuazi qânâ 12 rorâ Jordân zâzânⁱⁿko taha bapa jaje zâzâfic katapa renkerâ ra domambin^{ko} hewec. Eme qânâ i damenⁱⁿ zinuczia nekac jaha. ¹⁰ Taha bapa jaje katapa renkerâ Jordan zâzânⁱⁿ-ticnao domambinⁱⁿ. Ehamé Josua e ñic dân jazaocte Wofunzi âzâcnewec irec sâc jazame wiac sasawa efârembinⁱⁿ. I Mosezi Josua mutâcnecnewec irec sâcko embinⁱⁿ hâcne. Eme ñic ñokac jaje zocnehec fotâcnembinⁱⁿ.

¹¹ Fotâcne-fârepie Wofunte katapa renkembinⁱⁿ taha bapa i jaje tin^{ko} ferâ ñic ñokac bânie-jarembinⁱⁿ. ¹² Mosezi jazawec irec sâcko Ruben â Gade jahere qâricfâc â Manasere ñicguru dâkâne jaje zika bâmockerâ Israe ñic ñokac bânie-jarembinⁱⁿ. ¹³ Eme zika qanin^{te} zawiembinⁱⁿ zare-jen^{ic} 40 tausenⁱⁿ i jaje zika sâko qanin^{te} Wofunte maio Jeriko wânen^{ko} rambinⁱⁿ. ¹⁴ Ehamé zoanⁱⁿ ira Israe ñic sasawa janere zâñe faio Wofunzi Josua zâñe bin^e-ticne bafaharewec. Eme jaje Mosezi jume hone warec ecne jumbienⁱⁿ inuc jaha Josua honerâ bipic tatara ejareha jujumbienⁱⁿ.

¹⁵ Eme Wofunzi Josua keczin^{uc} âzâcnewec: ¹⁶ “Go taha bapa sâcmutâcte katapa renken^{gopien} jaje ejaretec Jordan^{kon}ec wefuninⁱⁿ.” ¹⁷ Irec Josuazi taha bapa zin^{uc} jazawec: “Ñone Jordan^{kon}ec wefuninⁱⁿ.” ¹⁸ Mume taha bapa Wofunte zâzâfic katapa renkembinⁱⁿ jaje Jordan zâzânⁱⁿkon^{ec} ferâ tin^{ko} âtehapie Jordan opâzi fofot^{ic}-ticnao mocwâc risierâ qan^{en}ne sâcke-fârerâ fofone sâc fowec.

¹⁹ Eme ñic ñokac jañe fufunke mosa-jenñic irec zoaŋ gie bapa 10 ira Jordan fotâcnerâ tiŋko fefârembiñ. Ehuc Jeriko hae mâreñ bâqinkehuc zoaŋ wewefuopec Giligali haeo teun âterâ fombiñ. ²⁰ Eme qânâ 12 Jordan konec rombiñ i Josuazi Giligali haeo ma heme ñewec. ²¹ Ehuc Israe ñic ñokac jazarâ muwec: “Juku qâricfâc-ñenñic jañe, ‘Qânâ zi funne wemocte ñekac?’ Mamacfâc-jenñic inuc wio-jarepie ²² zinuc muhuc jazanze pieñ: ‘Israe ñic jañe Jordan opâzi kereŋkeme fotâcnembiñ irec ma.’ ²³ Wofun Anutu-ñenñiczi mume Hâwec Bâbâroñ kereŋkeme fotâcnemben inuc jaha Wofun Anutu-ñenñiczi mume Jordan opâzi kereŋkeme ñoñe fotâcnembiñ. ²⁴ Eme mâreñ sâc ñic gurune gurune jañe, Wofunte me i tâpirihac, inuc mana taranze pieñ. Ehame ñoñe ranqa ranqa Wofun Anutu-ñenñic arañ bacnehuc junze pieñ.”

5

Giligali teunko sahacko ma bapa â aakic hombañ fuawec

¹ Amori ñic jañere ñicwofunfâc Jordan ñifecnao zoaŋ huhunaopec jumbiñ â Kanaaŋ ñic jañere ñicwofunfâc hâwec heririŋko jumbiñ jañe sasawa Wofunzi Jordan opâ mume kereŋkeme Israe ñic jañe furu jaha fotâcnembiñ i manarâ manjenñic goronkewec. Ehuc Israe ñic jañere hâwic-jopame hâbi gogoron embiñ.

² Dameñ ira Wofunzi Josua âzâcnerâ muwec: “Sesera qânâzi sâqe barâ Israe ñic sahac tofa-jenñicko mocwâc ma bajarezemec.” ³ Irec Josua e qânâzi sâqe barâ Gibeal-Aralo, ma bapa tiki

hâcne, ira Israe ñic sa hac-jenicko ma bawec.
⁴ Josuazi funje zinjucte ma bacjopawec: Zikare ñic sasawa Aigita mârenkonec wefumbin jañe hahata juhuc mâren sawao hâmo-fârembin. ⁵ Ñic sasawa Aigita mârenkonec wefumbin jañe ma bacjopakicne, â hahata juhuc mâren sawao fuambin jañe ine mi ejarembin. ⁶ Eme Israe ñic jañe mâren sawao jara 40 juhapie Aigita mârenkonec zikare ñic wefumbin jañe Wofunje dân mi mana zakiembinje omae-fârembin. Jañe Wofunzi mâren guc sâkohec nâreocete mimiñefâc-nâñec mupañke-jarewec ira mi raziniñte musanañkewec hâcne. ⁷ Irec jañere qâricfâc fuambin jañe Josuazi ma bacjopawec. Jañe hahata juhuc ma mi bacjopambinje injuc hâcne ejarewec.

⁸ Ñic sasawa sa hac-jenicko ma bapie tara-fâreme wicjenic somieocete teunkoa wonec jumbin. ⁹ Eme Wofunzi Josua zinjuc âzâcnewec: “No zoañ zira hâcne Aigita mârenkonec mimizi fai-ñenicko fewec foekac i bârâriekopac.” Eme mâren ñonden irec zâñe Giligali mumbin i damen zinjuczia muenjgopien jaha.

¹⁰ Eme Israe ñic jañe Giligali hao, Jeriko wânen-ticnao hâcne, teun âterâ ñehapie mosa irec zoañ gie bapa 14 ewec, ehame ñafe ira aakic hombañ ñembin. ¹¹ Hombañ ñepie hae fureme mâren ira wiac fuarâ fowec irecnec rorâ poroñ goren tâmiric â jacgoñ wiac zoc uucko râepie qafafañkeme nâmbin. ¹² Mâren irec wiac i funkerâ nahapie manazi wâc arictac ewec. Ehame Israe ñic jañe mana mocwâc mi nâhuc jara

ira Kanaan mâren̄te nânâ wiac fowec i nâmbin hâcne.

Josuazi momori ñic moc honewec

¹³ Eme Josua e Jeriko hae herirĩko juhuc zâñe firâ ñic moc becsahac-ticnaonec sâqe unuckerâ badomaha honewec. Honerâ erao rarâ wiocnerâ muwec: “Go nân̄ere âgo me râsifâc-nân̄ec jan̄ere âgo?” ¹⁴ Eme eki muwec: “Aricne, no Wofun̄te momori guru jan̄ere micne juekopaczi warekopac.” Eme Josua e waha zâñe mai-ticne mâren̄ko hetutuckerâ arañ bacnehuc muwec: “Bombon̄-nane, go kin̄aññicge no dân̄ wenin̄uc nazazo mukomec?” ¹⁵ Mume Wofun̄te momori guru jan̄ere micnezi Josua zin̄uc âzâcnewec: “Go kikehuhuge hetarac. Mân̄en̄ domakomec i tiri.” Mume Josua e in̄uc ewec.

6

Jeriko haere sac ropiewec

¹ Israe ñic jan̄ere erâ Jeriko haere motâc herâ basanan̄kembin̄. Eha mozi moc razic wefuc ezac. ² Wofun̄zi ine Josua âzâcnerâ muwec: “Manakic, no Jeriko hae â ñicwofun̄-ticne, erâ momori ñic tâpirihec jan̄e gore meo râec-jopa-fârepo. ³ Go â momori sasawa ñoñe hae sâko i asasai âtehuc arec mocjaha orân̄kenzepien̄. In̄uczi in̄uc ehuc juhapie zoan̄ gie bapa 6 tarazejec. ⁴ Eha taha bapa 7 jan̄e lama ñicne jan̄ere zun̄ezi qen̄ 7 bakicne i barâ zâzâfic katapa bân̄iecn̄enzepien̄. Â zoan̄ gie bapa 7 ira ine taha bapa jan̄e qen̄ qahapie ñoñe hae sâko i asasai âtehuc orân̄kekuhapie arec 7 ezejec. ⁵ Eme jan̄e lama ñicne jan̄ere

zunezi qeŋ bakicne i fâre zorahuc qapie manahuc zengoma aŋara henzeŋpien. Ehame hae sâkore sac i rândiŋkerâ qanzaŋneocmu. Inuc fuame qurun herâ zengoma fenzeŋpien.” ⁶ Eme Nunte ŋokâ Josua e taha bapa hefârec-joparâ ziŋuc jazawec: “Ŋoŋe zâzâfic katapa reŋkeniŋ. Erâ taha bapa 7 jaŋe ine lama ŋicne jaŋere zunezi qeŋ 7 bakicne i rorâ Wofunte katapa bâniecnenzeŋpien.” ⁷ Erâ Israe ŋic ziŋuc jazawec: “Momori ŋic jaŋe Wofunte katapa bâniecnehapie asasai âtehuc hae sâko orâŋkenzeŋpien.”

⁸ Eme jaŋe Josuazi mutâcne-jarewec sâc embiŋ. Ehuc taha bapa 7 jaŋe lama ŋicne jaŋere zunezi qeŋ 7 bakicne i Wofunte maio bajumbiŋ jaŋe bâniehuc qeŋ qambiŋ. Ehame Wofunte zâzâfic katapazi bâjâpec-jopawec. ⁹ Eme taha bapa jaŋe qeŋ qahapie momori ŋic jaŋe bânie-jarembiŋ. Qeŋ qahuc rahapie momori ŋic gâcne jaŋe katapa bâjâpemiŋ. ¹⁰ Ehame Josuazi ŋic ŋokac ziŋuc jazawec: “Ŋoŋe aŋara moc mi henzeŋpien me dânfânâŋ-ŋeŋic moc mi fuazejec. Erâ dân qisic qasac moc mi ejâmbânkehapie noni aŋara henin mupe damen ira henzeŋpien.” ¹¹ Eme Wofunte katapa reŋkemiŋ jaŋe ejareme hae sâko i arec mocjaha orâŋkemiŋ. Orâŋkerâ teun-jeŋicko risierâ fombiŋ.

¹² Eme Josua e uupictea fahareme taha bapa jaŋe inuc jaha faharerâ Wofunte katapa reŋkemiŋ. ¹³ Ehame taha bapa 7 jaŋe lama ŋicne jaŋere zunezi qeŋ 7 bakicne i barâ qahuc Wofunte katapa bâniecnemiŋ. Eme momori ŋic gâcne jaŋe bânie-jarembiŋ â gâcne jaŋe ine

Wofun̄te katapa bâjâpembijn. ¹⁴ Eme hae fureme mocwâc asasai âtehuc hae i orânkerâ teun̄-jen̄jicko risiembijn. In̄uczi in̄uc ehuc juhapie zoan̄ gie bapa 6 tarawec.

¹⁵ Ehame zoan̄ gie bapa 7 ira hae fure pârâckeha faharerâ embijn irec sâc jaha asasai âtehuc hae sâko orân̄kekupie arec 7 ewec. I zoan̄ ira sawa orân̄kehapie arecne 7 ewec hâcne. ¹⁶ Eme arec 7-ticnao taha bapa jaŋe qeŋ qambijn i tarame Josuazi ñic ñokac zinjuc jazawec: “Aŋara heniŋ, Wofun̄ e hae zi nârekac hâcne. ¹⁷ Eme hae irec maŋnao wiac fokac bakac sasawa i Wofun̄te micte furu mukicnere sisipiricte biŋe efârezejec. Mâc, sasac ñokac Rahaba â ficticnao jun̄gopien̄ jaŋe sawa ine jun̄zepien̄. E kin̄aŋñic jahec-nâŋec son̄jofawec irec. ¹⁸ Â ñoŋe ine wiac sisipiricte biŋe ekicne i bâec bacnen̄zepien̄, i moc ro bâuac epie ine Israere teun̄ i sisipiricte biŋe eha ñoŋe zârâ zâpâ faio fenzipin̄te. ¹⁹ Eme siliwa â gol sasawa, erâ aeŋ â aeŋ bâbâron̄zi kuzi bakicne i ine Wofun̄te biŋe bâtiripie ere kân̄on̄ko huzejec.” ²⁰ Eme qeŋ qahapie gurufâc-jen̄ic jaŋe aŋara hembijn. Qeŋfân̄ŋ mana manahuc izia on̄karaon̄ kizuhame aŋara sâko hepie haesaczi rân̄din̄kerâ qan̄zaŋnewec. Qan̄zaŋneme ñic jaŋe qurun̄ herâ fe râsi jopahuc hae rombijn. ²¹ Ehuc ñic ñokac naru motec, lama bulimakao, â don̄gi, erâ wiacte wiac sasawa i zikazi omaec-jopambijn.

²² Eme ñic mâren̄ hone tâcnepic jahe Josuazi zinjuc jasawec: “Sasac ñokac mupaŋkecnepic irec sâcko ficticnao ferâ ñokac e jahacne â wiacfâc-ticne jowac-jopa warenic.” ²³ Eme ruc

bapa ñic jahe ficko ferâ Rahaba e jahacne, nençoc mamac jahecne â hahac qafâcne, erâ socto-fafâc-ticne sasawa jowac-jopa waharâ Israe teun râpenao râec-jopambiñ. ²⁴ Ehuc hae mecne â irec mañnao wiac sasawa fowec i mecne zoczi turunkepie zâsenkewec. Siliwa â gol erâ aenñ â aenñ bâbâronzi kuzi bakicne i sawa ine ropie Wofunte kânonko huwec. ²⁵ Eme sasec ñokac Rahaba e jahacne â wiacfâc-ticne sasawa jañe Josuazi ñic jajahec Jeriko hae hone tâcnenicte sorec-jofame rapire sonjofawecte akic-jopambiñ. Eme jañe Israe guruo jumbiñzi jungopien.

²⁶ Damenñ ira Josuazi ñic ñokac ejareme Wofunte maio zinjuc mupankebmiñ: “Ñic moczi faharerâ Jeriko hae zi mocwâc heqârerâ baocmuo ine Wofuntaonec okacne zinjuczi ere faio fezejec: Wâtuñ ñokacne râeme hume mârâc ñokâ-ticnezi hâmozejec.

Â batarahuc motâc âkendânñeme zâhec ñokâ-ticnezi hâmozejec!”

²⁷ Eme Wofun e Josuahac juhame zâñe biñe-ticnezi mârenñ sasawa sâcke-fârerâ fowec.

7

Akanzi ro sonson ewec

¹ Israe ñic jañe wiac Wofunte biñe qakicne ira bahac bâfuambiñ. I Juda guruonec Zabidi ñosa-ticne Akan, Karamire ñokâ, apa-ticne Zera, e wiac Wofunte biñe qakicne i gâcne ro sonson ewec. Ehamé Wofun e Israe ñic jañere boc mana gâpârewec.

² Bete hae zoan wewefunao Betawen heririn^{ko} Ai hae newec ira fenin^{te} Josuazi Jeriko teun-jenickonec ^{nic} zinuc jazahuc sorec-jopawec: “Ferâ mâren^h hone tâcneniⁿ.” Mume ^{nic} jan^e ferâ Ai hae hone tâcnembiⁿ. ³ Ehuc Josuarao risierâ zinuc âzâcnembiⁿ: “^{Nic} 2 tausen^h me 3 tausen^h jan^e sawa ferâ Ai hae imackenzepien^h, sasawazi mâcne. Go ^{nic} sasawa mangân^h mi ejaret^{ec} fenzepien^h. Jan^e afecne sawa mac jun^gopien^h.” ⁴ Eme ^{nic} jan^eraonec 3 tausen^h heririⁿ jan^e fembiⁿ. Fepie Aiⁿic jan^e jopa jâpec ejarepie wisembiⁿ. ⁵ Ehuc Aiⁿic jan^e haere sacmotâckonec funkerâ jopa jâpec ejare raku Sebarim hae heririⁿko fisirâ heân^{ko} ^{nic} 36 heririⁿ sâqezi âke hâmoc-jopambiⁿ. Inuc fuame Israe ^{nic} jan^ere man^h nen^goron^gke-fârewec.

⁶ Eham^e Josua â Israe son^h jan^e busâqoc manahuc naqi qoruc-jen^{ic} bâsuckerâ qiz^{ec}-jen^{ic}ko zafe ruahuc Wofun^{te} katapa manfun^{ko} zân^e mai-jen^{ic} mâren^{ko} hetutuckerâ fohapie hae nâfewec. ⁷ Eme Josuazi muwec: “Jei, Wofun Anutu, go wemocte ^{nic} nokac zi Amori ^{nic} jan^ere meo râec-nâpotec qâmiziec-nâponiⁿte Jordan^h ocniⁿucnaonec jowac-nâpo wefumen^h? Jordan^h ocniⁿucnao jupene sâckezac. ⁸ O Wofun, Israe ^{nic} jan^e râsifâc-jen^{ic} jan^ere erâ wisehapie no wemo mupemu. ⁹ Kanaan^h ^{nic} â mâren^h zirec ^{nic}iguru sasawa jan^e biⁿe manarâ orân-nâpohuc zân^e biⁿe-nân^{ec} bârârânⁿeniⁿmu. Eme go weniⁿuc etec zân^e rara bian^ge i mocwâc fuaocmu?”

¹⁰ Eme Wofun^{zi} Josua zinuc âzâcnewec: “Faharec, go wemocte zân^e maige mâren^{ko}

hetutuckerâ fokomec? ¹¹ Israe ñic jañe bahac bâfuambin, ehuc jañehac zâzâfic epo i qâsuarâ eeatuc ehuc wiac fiuc rongopien â wiac bâtirikicne i jañacne wiachec bâturehuc sonkenngopien. ¹² Irec Israe ñic jañe sisirowere biñe engopiente râsifâc-ñenñic jañere maio moc mi sanankehuc mâc wisenimmu. Ñoñe wiac bâtirikicne ñonden-ñenñicko fokac i mi bârâriehuc imackenimmuo no ñoñehac mocwâc mi jupemu. ¹³ Ajoc, ñic ñokac jañe sowa juhuc zawieninñe zinuc jazac: 'Sowa juhuc tomâckore mañ sañac-ñenñic ba emañ eniñ. Israere Wofun Anutu e zinuc mukac: O Israe ñic, ñonden-ñenñicko wiac bâtirikicne fokac i mi bârâriehuc râsifâc-ñenñic jañere maio sâcne mi sanankenimmu! ¹⁴ Irec tomâcko furicte guru-ñenñic sâc hefârec-jopazo hâcne. Eme Wofunzi guru moc rowosâeme honehuc garikin sâc hefârec-jopazo. Eme Wofunzi garikin moc rowosâeme honehuc fic sâc hefârec-jopazo. Ehame Wofunzi fic moc rowosâeme honehuc ine ñic buc buc hefârec-jopazo. ¹⁵ Eme wiac bâtirikicne moc rowec ñic e jahacne â wiac sasawa focnekac i zocte biñe efârezejec. E Wofunte zâzâfic qâsuahuc Israe guruo wiac miminehec bâfuawec irec.' "

¹⁶ Eme Josua e furic uupictea faharerâ Israe guru sâc hefârec-jopahuc guru moc âke fuaocte giene bame Judare guru âke fuawec. ¹⁷ Ehame Judare guru i garikin sâc hefârec-jopahuc giene bame Ñerare biri âke fuawec. Eme Ñerare biri ñic buc buc hefârec-jopahuc giene bame Ñabidi

âke fuawec. ¹⁸ Ehame ere birionec ñic buc buc jaha hefârec-jopahuc giene bame Judare gu-
ruonec Karamire ñokâ Akan hâcne âke fuawec,
ñosa-ticne Zabidi, apa-ticne ine Zera. ¹⁹ Eme Jo-
suazi Akan zîñuc âzâcnewec: “Motec-mae, Israere
Wofun Anutu e manacnetec fehame muten bâten
ecnehuc wiac emen i mi hesonkehuc naza-fârec.”
²⁰ Eme Akanzi Josua dân zîñuc bâtikiecnwec:
“Jâmbomac, no wiac zîñuc hâcne ehuc Israere Wo-
fun Anutu e sindan ecnepo: ²¹ Wiac forawec Babe
mârenkonec ñaqi faine moc hone anac-ticnehec â
siliwa ñemâc-ticne 200, erâ wâc gol dâkâne moc
ñemâc-ticne 50 i hone sasac ehuc ropo. Ehuc
boze-naneo nombân rorâ siliwa fâhânnao râerâ
hemackepo fokac.”

²² Eme Josuazi ñic gâcne sorec-jopame Akanje
bozeo gasacke rarâ wiac gâcne nombânko
duckekicne i ro huku siliwa fâhânnao fohame
bâfuambin. ²³ Eme jaje bozeonec rorâ Josua â
Israe ñic sasawa janerao bafisirâ Wofunje maio
guruckembin. ²⁴ Eme Josua â Israe ñic jaje
Zera apa-ticne Akan, erâ siliwa â ñaqi faine
â gol dâkâne i, erâ wâc otâ ñokâfâcne â lama
bulimakao â donji â qoruc boze-ticne â wiac
sasawa i rorâ Akoro wânenko bacjopa rambin.
²⁵ Ehuc Josuazi muwec: “Go wemocte sindan
ehuc sipiric-nâpomen? Irec minecgac Wofunzi
go gahacnao bârisiehuc sipiricguzejec wâc.”
Mume Israe ñic jaje Akan qânâzi hehâmorâ
wiacfâcne inuc jaha hehâmoc-jopahuc zocko
behec-jopapie zâsen-jopawec. ²⁶ Inuc erâ qânâ
gurucke fembin i damen zi ñekac jaha. Inuc

epie Wofunj aaric-ticnere zoc i mâtenkewec. Eme mârenj ɲondenj irec zâɲe Sindanj Wânenj mumbinj â damenj zinuczia muenɲopienj jaha.

8

Ai hae heropiekicne

¹ Eme Wofunji Josua zinuc âzâcnewec: “Manabâc erâ boc mi hâwicguoc. Go faharerâ momori sasawa rocjopatec Ai haeo feninj. Manakic, no Ai haere ɲicwofunj, erâ ɲicfâcne â hae mârenj-jenij i gore meo râec-jopa-fârekopac. ² Go Jeriko hae â ɲicwofunj-ticne wiac ejactemenj irec sâc jaha Ai hae â ɲicwofunj-ticne jaherao ezemec. Mâc bulimakao â wiac gâcne bâfuaniɲmu i ine ropie ɲaɲacne biɲe ezejec. Irec ferâ hae ocninucnao somâ râerâ ruc bahuc junzepienj.”

³ Eme Josua â momorifâcne jaɲe Ai haeo feninjte faharembinj. Ehuc Josuazi momori ɲic tâpiri wânzânɲhec 30 tausenj rowosâec-joparâ ɲafeoa sorec-jopawec. ⁴ Ehuc jazarâ muwec: “Mananɲopienj, hae jâururâ taicko mi rahuc zawie-fârerâ hae mendânko somâ râerâ ruc bahuc wonɲec junzepienj. ⁵ Ehame no â ɲic gâcne nâɲe ine hae maickehuc fanaɲmu. Inuc ehapene jaɲe mârâc embinj inuc mocwâc ehuc jâpec-nâponiɲmuo ine wisenaɲmu. ⁶ Eme jâpec-nâpopie haonec fârec-joparâ ranaɲmu. Nâɲe wisepene jaɲe zinuc hâcne muniɲmu: ‘Jaɲe mârâc embinj inuc jaha enɲopienj.’ ⁷ Inuc ehapie ɲoɲe qurunj he ferâ hae ronzepienj, Wofunj Anutu-ɲenijci hae i meɲenijcko râeocmu hâcne. ⁸ Haeo fefârerâ ine Wofunji mutâcne-nârewec

irec sâcko zoczi turunkepie zazejec. No naza mutâc enarekopac hâcne.” ⁹ Eme Josuazi sorec-jopame rambiñ. Rarâ Ai hae zoaŋ huhunao, Bete â Ai hae nondeñ-jekicko ruc bahuc somâ râerâ fombiñ. Josua e ine nafe ira ñic gâcne qâtec-jopame mâmâc fombiñ.

¹⁰ Eme Josua e furic araraŋte faharerâ ñic biric-joparâ e jahacne â Israe ñic soŋaŋfâc-jeñic jaŋe bânie-jarepie Ai haeopec rambiñ. ¹¹ Ehuc momori sasawa e jahacnehec jumbiñ jaŋe Ai hae bâqinkehuc faicpec teuñ âterâ fombiñ, â nondeñ-jeñicko ine uuruñ moc fowec. ¹² Josua e ine ñic 5 tausen heririñ rocjoparâ zoaŋ huhunao Bete â Ai hae nondeñ-jekicko somâ barâ foninŋte râec-jopawec. ¹³ Momori guru sâko faicpec teuñ âtekicne ira biric-jopa-fârembiñ. Â jaŋere râpeo guru moc ine zoaŋ huhunaopec râec-jopambiñ. Josua e jahacne nafe ira wânenkoa fowec. ¹⁴ Inuc epie Ai haere ñicwofunzi honerâ e jahacne â ñicfâc-ticne sasawa jaŋe zocne fârone ehuc Israe ñic jaŋehec qaqaç eninŋte wânenkopec rambiñ. E hae râpeo somâ râerâ fombiñ i mi manawec. ¹⁵ Eme Josua â Israe ñic sasawa jaŋe dockerâ wisengopien hawari ehuc mâreñ burocnaopec rambiñ. ¹⁶ Eme ñic haeo jumbiñ jaŋe sasawa faharerâ Josua â ñicfacne jâpec-jopaniŋte fânoc hejarembiñ. Eme heâckerâ rahapie hae-jeñic mâc fowec. ¹⁷ Ñic moczi Ai me Bete haeo moc mi juhunŋaŋkewec. Jaŋe hae behepie mâc foha Israe ñic jâpec-jopa rambiñ hâcne.

¹⁸ Ehame Wofunzi Josua âzâcnerâ muwec: “Go

damuge badomakomec i haeopec sicnec. No hae i megao râekopac.” Mume Josuazi damu-ticne haeopec sicnewec. ¹⁹ Meticne fâretiņnehamē izia momori jaņe somâ barâ fombiņkonec fahare gasake ferâ haeo razimbiņ. Ehuc picpac jaha hae i zoczi turuņkepie zawec. ²⁰ Eme Ai hae rune jaņe râpe-jeņicko fotikie firâ fic haere hosâc sawao feme honembiņ. Ehame mâreņ burocnaopec wisembiņ jaņe fotikierâ maic-jopambiņ. Inuc epie Ai hae rune jaņe ira me ira wiseniņte hata basambiņ. ²¹ Eme somâ bapa ņic jaņe hae rombiņ â haere hosâczi sawao fehuc domawec i Josua â Israe ņic jaņe honerâ risie Aiņic imac-jopambiņ. ²² Eme bâbâni hae rombiņ jaņe wahambiņ. Ehuc bune râpene ejarehuc fitac-jopapie Israe ņic jaņere ņondenko domambiņ hâcne. Ehame Israe ņic jaņe imac-jopakupie moczi moc mi wise-jâmbâņkewec. ²³ Â Ai haere ņicwofuņ e ine qâricne rorâ Josuarao barambiņ.

²⁴ Eme Israe ņic jaņe Ai hae rune mâreņ sawao zikazi jopaku jopa mizierâ Ai haeo risierâ ņecjucfâc-ticne inuc jaha zikazi ima samaki bacjopambiņ. ²⁵ Eme zoaņ ira Ai haere ņic ņokac sasawa jopambiņ i zare-jeņic qâhâckepie 12 tausen ewec. ²⁶ Josua e ine damu sicnerâ bado-mawec i mi fâre suruckeha Ai haere ņecjucfâc zenġoma jopa miziembiņ hâcne. ²⁷ Wofuņzi Josua mutâcnecnewec irec sâcko Israe ņic jaņe bulimakao â hae irec wiac gâcne i sawa jaņacne biņe eocte rombiņ. ²⁸ Josua e Ai hae zoczi turuņkeme zarâ sesucne fuawec i damen ziućzia ņekac jaha. ²⁹ Eme Josua e Ai haere ņicwofuņ qarâ jâc

mocko qetickeme domaha hae owâewec. Ehame zoaŋ huzo eha Josuazi ɲic ejareme qâŋqâŋ-ticne jâckonec batararâ haesac motâcko sârockepie hume fainao qânâ he fembiŋ i damenɲ zinjuczia ɲekac wâc.

*Ebali tikio sâcmutâc hâsine wosewec
(Sâc 27:1–26)*

³⁰ Eme Josuazi Ebali tikio Israe ɲic jaŋere Wofunɲ Anutu ere alata moc bawec. ³¹ Wofunɲte kiŋaŋɲic Mosezi sâcmutâc dâŋko mu qârenɲ ewec irec sâcko bawec. Dâŋ kecziŋuc fowec: “Nici qânâ qa hefâuc mi ekicne furune rorâ banzepien,” alata inucne barâ Wofunɲte âsu bian â wama bâzi rikembiŋ. ³² Eme Mosezi sâcmutâc dâŋ qârenɲkewec i Josuazi Israe ɲic ɲokac jaŋere maio qânâ faio hâsine qârenɲkewec. ³³ Eme Israe ɲic sasawa, mafa â hae fâri, jaŋe soŋaŋ â micne â mumutara ɲicfâc-jenɲic jaŋehac katapa ɲifec â ɲifec domahuc Lewire guruonec taha bapa Wofunɲte zâzâfic katapa renɲkembiŋ jaŋe maic-jopambiŋ. Ehuc guru moc jaŋe Gerizim tikiopec â guru moc jaŋe ine Ebali tikiopec inuc domambiŋ. I Wofunɲte kiŋaŋɲic Mose mârâcko Israe ɲic ɲokac jambunɲ-jopaninɲte mutâcne-jarewec irec sâcko embiŋ. ³⁴ Eme Josuazi dâŋ sasawa sâcmutâcte papia qizecko qârenɲkekiecne irec sâcko jambunɲ â sâwecdâŋ i wose-fârewec. ³⁵ Mosezi dâŋ sasawa mutâcnewec i Josuazi Israe ɲic â ɲokac naru motec â mafazi jaŋehac jumbiŋ jaŋe zenɲgoma tumaŋnehapie wose-jarewec hâcne.

9

Gibeonj ñic jañere eeatuc

¹ Nìcwofunj sasawa Jordanj ñifecnao tiki mârenko â hâwec sâko heririnj wânenj sasawa Lebanonj tikiopec rakac ira Hitinjc, Amori ñic â Kanaanj ñic, erâ Perizij ñic, Hiwinjc â Jebusij ñic jurambinjanje binje i mana-fârembinj. ² Ehuc roroc erâ Josua â Israe ñic jopaninje manj mocjaha embinj.

³ Erâ Gibeonj hae rune jañe Josuazi Jeriko â Ai hae jahe wiac ejactewec irec binje manambinj.

⁴ Manarâ eeatuc-jenjc birickerâ hata nâsinj wiac-jenjc bâmockehuc târu â wainj zopo sucke tâc ekicne i qâtâ bâpianj erâ dongifâc-jenjc jañere faio hembinj. ⁵ Ehuc kikehuhu â ñaqi qoruc-jenjc tâcne zanj ekicne i hepie huwec. Eme hatare nânâ wiac i kereñkerâ nusunkekecne inucne bâmockembinj. ⁶ Erâ Giligali teunjo Josua â Israe ñic jazarâ mumbinj: “Nâñe ñonehec zâzâfic enanje mârenj wiwickonec warengopenenj.”

⁷ Eme Israe ñic jañe Hiwinjc jazarâ mumbinj: “Hece, ñone ñondenj-nâñecko junjopienj mecne, irec wemocko ñonehec zâzâfic moc enañmu.”

⁸ Eme jañe Josua zinuc muhuc âzâcnembinj: “Nâñe gore kinanñicfâc.” Ehame Josuazi wio-jarerâ muwec: “Ñone wenirec warengopienj, zâñe-ñenjc mo?” ⁹ Eme jañe âzâcnerâ mumbinj: “Wofunje Anutu zâñe binje-ticnere erâ kinanñicfâcge nâñe mârenj wiwickonec jâmbânj warengopenenj. Eki Aigita mârenko mâsi bawec irec binje manambenj wâc. ¹⁰ Erâ wâc Amori ñic jañere ñicwofunj jajahec Jordanj ocniñucnao jupic, Hesibonj haere

ņicwofuņ Sihon â Basan mârențe ņicwofuņ Ogo, Asitaroto haeo juwec, jaherao wiac bâfuawec i manamben jaha. ¹¹ Eme soņaņfâc-nâņec â ņic gâcne sasawa jaņe zîņuc muhuc nâzâ sorec embiņ: ‘Hatare wiac bâmockerâ raku bâfuac-joparâ zîņuc jazanzepien: Nâņe ņoņere kiņaņņicfâc. Irec qâturerâ zâzâfic-nâņec moc enzepenen.’ ¹² Ⱥoņerao warenaņte hata fuņkemben damaņ ira nânâ zi ficnâņeckonec hâroņne foha rorâ bawaremben. Ehame zi ine kerenķerâ nusunķekicne fome honenģopien. ¹³ Â waiņ zopo-nâņec zi wâc qâricnea foha qapene huwec. Eme zi ine tâcne zaņ ekac. Erâ ņaqi qoruc â kikehuhu-nâņec i hata zoricne zora warehuc juhapene sucke tâc efârewec.” ¹⁴ Eme Israe ņic jaņe qanaņ Wofuņtao fuņne mananiņte mu wioc moc mi ehuc ņic jaņeraonec hatare nâsiņ moc rombiņ. ¹⁵ Ehuc Josuazi jaņehec wama qaqac erâ juniņte mana-jareme zâzâfic embiņ. Ehame Israe kikefuņte soņaņ jaņe mujomire-jarembiņ wâc.

¹⁶ Zâzâfic erâ jufehapie zoaņ jahec â moc tarama Israe ņic jaņe zîņuc manambiņ: Jaņe hae mâren zirectaņ. ¹⁷ Eme Israe ņic jaņe raku hae-ņeņic ņerawec ira zoaņ jahec â moc eha fisimbiņ. Hae-ņeņic zîņuc ņerawec: Gibeon, Kefira, Beroti â Kiriati-Jearim. ¹⁸ Erâ Israe ņic soņaņfâc-ņeņic jaņe Israe Wofuņ Anutu-ticnere maio mujomire-jarembiņte mi jopambiņ. Ehame kikefuņ jaņe soņaņfâc-ņeņic jaņere mana gâpârehuc masu mumuniņ bambiņ. ¹⁹ Eme soņaņfâc-ņeņic jaņe kikefuņ zîņuc jazambiņ: “Israe ņic nânâcne Wo-

fun Anutu ere maio mujomirembente moc mi jopanzepeñeñ. ²⁰ Juniñte mujomire-jaremben irec okacne fai-nâñecko fezacte kecziñuc sawa enzepeñeñ: ²¹ Nâñac mana-jarepene junzepieñ.” Eme soñan jañe mumbiñ irec sâcko kikefun jañere zoc roro â opâ fifia ñic jumbiñ.

²² Eme Josuazi hetumañ-joparâ kecziñuc wio-jarewec: “Ñoñe ñondeñ- nâñecko juipiehuc wemocte ziñuc muhuc eatuc-nâpombiñ, ‘Nâñe mâreñ wiwickonec jâmbân’?” ²³ Irec ñoñere faio sâwec fohuc juzejec. Ñoñe kiñan giere hati juhuc damen sâc Anutu-nanere ficte zoc roro â nombâñkonec opâ fâfâre gie bahuc junzepieñ.” ²⁴ Eme jañe dân bâतिकेनेहuc mumbiñ: “Kiñanñicfâcge nâñe ziñuc manamben: Wofun Anutu-ñeñiczi mâreñ sasawa zi ñareocte kiñanñic-ticne Mose âzâcnewec. Ehuc mâreñ zirec ñic bâsirowec-nâpo-fâreocte muwec. Irec ñoñere hâwic-nâpome juju-nâñecte mana mezac erâ mâsi keci emben. ²⁵ Eme zi gore meo junğopenenñe wiac manakic sâc enârezemec.” ²⁶ Eme Josua e Israe ñic jañere meonec batarac-jopawecte mi jopambiñ. ²⁷ Eme Josuazi damen ira hâcne mujareme funkerâ Israe kikefunñte biñe â Wofunzi alata-ticne wena fuaocte muwec, irec biñe wâc zoc wiac rohuc nombâñkonec opâ fifia gie bambiñzi damen ziñuczia bahuc junğopieñ jaha.

10

Israe ñic jañe Kanaan mâreñ juwicne rombiñ

¹ Josuazi Jeriko hae â ñicwofun- ticne bâsirowec-jofawec irec sâc jaha Ai hae â ñicwofun-ticne ejactewec. Â Gibeon haeonec jaje ine Israe jajehec wama qaqac erâ jungopien, Jerusalemte ñicwofun Adonizedec e bine inuc manarâ mâretéc hâwickewec. ² Gibeon hae i Ai hae sirickerâ kâcçene sâko newec, ñicwofun hae gâcne irec sâc jaha, â hae irec ñic jaje tâpiri wânzânheç jufârembin. ³ Irec Jerusalemte ñicwofun Adonizedec e Heboronte ñicwofun Hoham â Jaramutire ñicwofun Piram â Lakisire ñicwofun Jafia â Egelonte ñicwofun Debiri janerao dân zîñuc râeme rawec: ⁴ “Gibeon haeonec jaje Josua â ñicfâc-ticne jajehec wama qaqac embinthe ñoñe wefurâ baficnupie imac-jopanzipeneñ.” ⁵ Eme Amori ñic janere ñicwofun 5: Jerusalemte ñicwofun, Heboronte ñicwofun, Jaramutire ñicwofun, Lakisire ñicwofun â Egelonte ñicwofun jaje momorifâc-jeñic jajehec ferâ Gibeon hae ñifecnao teun âterâ juhuc zika gie bambin.

⁶ Eme Gibeon ñic jaje Giligali teunko Josuarao dân zîñuc râepie rawec: “Kiñanñicfâcge nâñe mi mac behec-nâpohuc bârun jaha wefurâ ñezic-nâpohuc bafic-nâponin. Amori ñic janere ñicwofun tiki mârenko juengopien, jaje sasawa roroc erâ râsi fisi-nârengopien.” ⁷ Eme Josua â momori ñic tâpiri wânzânheç sasawa jaje Giligali teunkonec ferambin. ⁸ Ehame Wofunzi Josua âzâcnerâ muwec: “Mi hâwicguoc. No gore meo râec-jopa-fârepore moczi moc mi sanankeocmu.” ⁹ Eme Josua e Giligali teunkonec ñafe hata juku ututun jaha janerao fisiwec. ¹⁰ Fisi-jareme Wo-

funzi râsi mutuc bacjopame bipic tatara ejareha Israe ñic jañe Gibeon hae mendânko mâretéc imac-jopambin. Ehuc jopa jâpec ejare raku Bete-horon heânne i fotâcnerâ raku Azeka â Makeda haeo fisirâ inuc jaha jopambin wâc. ¹¹ Jañe Israe ñic wise-jarehuc Bete-horon heân-ticne fotâcnerâ Azeka haeopec huhapie Wofunzi sambâñkonec qânâ kâcçene wicke-jareme hata ñondenko hâmo sipiric embin. Israe ñic jañe zikazi jopambin irec sâc jâuruhuc aisi hândânzi hecjopame hâmombin.

¹² Wofunzi Amori guru Israe ñic jañere meo râec-jopawec zoan ira Josuazi Israe ñic zâne fai-jeñicko Wofun numucnehuc zinuc muwec:

“Zoan go Gibeonko sanankerâ ñec
â mosa go wâc Ajalon wâneñ- ticnao
sanankerâ ñec.”

¹³ Mume zoan e sanankerâ ñewec
â mosa e inuc jaha ewec.

Inuc fuame Israe ñic jañe râsifâc-jeñic jañehéc
zika gie batarambin.

Binan zi Jasa ere papia qizecko qârenkekiecne fokac. Zoanzi zâzânin jâmbân nininkerâ ñehuc juha zoan gie bapa moc tarawec. ¹⁴ Mârâc jaha Wofunzi ñic mocte dân manahuc zoan gie bapa inucne moc mi bâfuawec â irec faicnao wâc aricne. Wofunzi Israe ñic jañere erâ zika gie bawecte inuc fuawec.

¹⁵ Eme Josua â Israe ñic sasawa jañe Giligali teunko risiembin.

¹⁶ Ehame ñicwofun 5 jañe wiserâ ra Makeda hae heririn qânâ hawecko sonkembin. ¹⁷ Eme ñic gâcnezi Josua zinuc âzâcnembin: “Ñicwofun 5

jaŋe Makeda qânâ hawecko soŋkerâ juhapie bâfuac-jopakicne.” ¹⁸ Eme Josuazi muwec: “Qânâ kâcqene qârândiŋkepie hawec motâcne ɲebâzickeha soŋaŋ râec-jopanɓepieŋ. ¹⁹ Â ɲoŋe ɲaŋacne ira mi juhuc râsifâc-ɲeɲic jâpec-jopahuc râpec-jeɲicko kikeo kikeo ejarenɓepieŋ. Wofuŋ Anutu-ɲeɲiczi meɲeɲicko râec-jopawecte beheɓ-jopapie haemaŋ-jeɲicko mi razi-jâmbâŋkenɓepieŋ.” ²⁰ Eme Josua â Israe ɲic jaŋe ima samaki bacjopakupie moc moc sawazi wiserâ hae sanaŋ-jeɲic sâc razimbiŋ. ²¹ Ehame Israe ɲic jaŋe furu jaha Josuarao Makeda teuŋko risiembiŋ. Eme damaŋ ira râsifâc-jeɲic jaŋe pepeɓ i me i moc ejareninɓe hâbi-jeɲic basambiŋ.

²² Eme Josuazi muwec: “Hawec motâcko qânâ bârâriehuc ɲicwofuŋ 5 bacjopa wareniŋ.” ²³ Eme jaŋe iɲuc erâ ɲicwofuŋ 5 Josuarao bacjopa fisimbiŋ, ine kecziɲuc: Jerusalemte ɲicwofuŋ, Heboronɓe ɲicwofuŋ, Jaramutire ɲicwofuŋ, Lakisire ɲicwofuŋ â Egelonɓe ɲicwofuŋ. ²⁴ ɲicwofuŋ i bacjopa fisipie Josuazi Israe ɲic hetumaŋ-jopa-fârêrâ momori micnefâc-jeɲic ziɲuc jazawec: “Zira warerâ kike-ɲeɲiczi ɲicwofuŋ zi jaɲere upeo âteninɓ.” Mume jaŋe bembenɓo rarâ kike-jeɲiczi upe-jeɲicko âtembiŋ. ²⁵ Eme Josuazi jazawec: “Manabâc erâ mi hâwic-ɲopaoc. Sanaŋkerâ hâbi-jeɲic roninɓ. Wofuŋzi râsifâc-jeɲic jaɲerao mâsi iɲuc bafâreocmu hâcne.” ²⁶ Eme Josuazi qâhâmoc-joparâ jâc 5 ira qetic-jopame domahapie hae owâewec. ²⁷ Eme zoaŋ otewerâ huzo ehame Josuazi ejareme qâŋqâŋ jâckoneɓ batarac-joparâ qânâ hawec soŋkerâ jumbinɓ

ijaha sâroc-jopapie hupie qânâ kâcqene bocjaha qârândin̄kepie motâcne ɲebâzickewec i damen̄ zinjuczia ɲekac jaha.

²⁸ Eme zoan̄ ira Josuazi Makeda hae rorâ ɲicwofun̄ â kikefun̄fâcne zikazi imac-jopawec. Erâ wiac jujune moc mi akic-jopahuc sasawa bâsirowec-jopawec. Â Makedare ɲicwofun̄ e ine Jeriko haere ɲicwofun̄ ecnewec irec sâc jaha ecnewec.

²⁹ Eme Josua e Makedanec fahareme Israe ɲic jaje bâjâpepie Libina haeo zika qanīnte rambin̄.

³⁰ Eme Wofun̄zi hae i in̄uc jaha Israe ɲic jan̄ere meo râeme Josuazi hae mecne ɲicwofun̄ mecne erâ wiac jujune moc mi akic-jopahuc zikazi imac-jopa-fârewec. Ehuc ɲicwofun̄-jen̄ic e Jeriko haere ɲicwofun̄ ecnewec irec sâc jaha ecnewec.

³¹ Eme Josua e Libinanec fahareme Israe ɲic jaje bâjâpepie Lakisi haeo rarâ teun̄ âterâ juhuc zika qambin̄. ³² Ehame Wofun̄zi hae i in̄uc jaha Israe ɲic jan̄ere meo râeme Josuazi Libinao ewec irec sâc jaha ehuc hae fureme razirâ wiac jujune sasawa zikazi imac-jopawec.

³³ Ehame Gezera ɲicwofun̄ Horam e Lakisi ɲic bafic-jopaocte wefuwec. Eme Josuazi e â ɲicfâc-ticne zengoma imac-jopawec.

³⁴ Eme Josua â Israe ɲic jaje Lakisinec Egelon̄ haeo rarâ teun̄ âterâ juhuc zika qambin̄. ³⁵ Ehuc zoan̄ ijaha hae ro rauc erâ Lakisio embin̄ irec sâcko hae ima bahuc wiac jujune sasawa jopa miziembin̄.

³⁶ Ehuc Josua â Israe ɲic jaje Egelon̄nec Heboron̄ko fembin̄. ³⁷ Ehuc hae i rorâ zika

qahuc hae â ñicwofun â hae piticfâc-ticne erâ irec manao wiac jujune moc mi akic-jopahuc zikazi imac-jopambin. I Egelonko embin irec sâc jaha ehuc wiac jujune zikazi bâsirowec-jopambin.

³⁸ Eme Josua e Israe ñic janhehec mocwâc Debiri haeo risierâ zika qambin. ³⁹ Ehuc hae â ñicwofun-ticne erâ hae piticfâcne rocjopa-fârerâ wiac jujune moc mi akic-jopahuc bâsirowec-jopa-fârembin. I Heboron â Libina ira ejarembin irec sâcko ejarembin hâcne.

⁴⁰ Josua e inuc ehuc mâren sasawa, tiki mâren, Negebe mâren, wânen â heân-ticne â ñicwofunfâc-jenjc imac-jopawec. Ehuc Israere Wofun Anutuzi mutâcnecnewec irec sâcko wiac jujune bâsirowec-jopa-fârewec. ⁴¹ Erâ Kadesi-Baranea haeonec raku Gaza hae, erâ raku Gosen mâren fotâcnerâ Gibeon haeo fisikac i sasawa imac-jopa-fârewec. ⁴² Eme Israe ñic janere Wofun Anutuzi zika qawecte Josua eki ñicwofun â mâren-jenjc i damen ijaha ro rauc ewec. ⁴³ Eme Josua â Israe ñic janje sasawa Giligali teun-jenjicko mocwâc risiembin.

11

Israe ñic janje Kanaan mâren faicne rombin

¹⁻² Hazoro haere ñicwofun Jabin e bine i manarâ ñicwofun keczinuc janerao dân râme rawec: Madon haere ñicwofun Jobabe â Simoron haere ñicwofun â Akisafa haere ñicwofun, â tiki mâren faicpec â sopâc mârenko Kinerote rigic juwicpec â wânenko â zoan huhunaopéc Nafado mârenko,

³ erâ Kanaan ñic zoaŋ wewefunaopec â huhu-naopec tiki mâreŋko jumbiŋ: Amori ñic, Hi-tiŋic, Perizi ñic â Jebusi ñic, erâ Hiwiŋic Mizipa mâreŋko Herimoŋ tiki fuŋnao jumbiŋ, ñicwofuŋ â ñicguru i sasawa jaŋerao dâŋ râeme rawec hâcne. ⁴ Eme jaŋe momori guru dindiŋfâc-jeŋic hâwecko moŋgeŋ fokac irec sâc, erâ becâsic â keretac wiac-jeŋic bocjaha amec-joparâ fisimbiŋ. ⁵ Eme ñicwofuŋ sasawa i jaŋe roroc efârerâ raku Meram opâo tumaŋne-fârerâ Israe ñic jaŋehec qaqac eniŋte teuŋ âterâ fombiŋ.

⁶ Eme Wofuŋzi Josua ziŋuc âzâcnewec: “Go jaŋere mi hâwicguoc. Tomâcko damen ziŋucne hâcne noni joparâ Israe ñic ñoŋere meo râec-jopa-fârepemu. Go ine becâsicfâc-jeŋic jaŋere rua hetâcnerâ keretac wiac-jeŋic zoczi turuŋketec gazejec.” ⁷ Eme Josua e momorifâc-ticne jaŋehec ututuŋ jaha Merom opâo fisi-jarewec. ⁸ Eme Wofuŋzi Israe ñic jaŋere meo râec-jopame jopa jâpec ejare raku Sidon-Raba â Misirefo-Maim haeo, erâ zoaŋ wewefunaopec ine Mizipe wâneŋko fisimbiŋ. Erâ moc mi akic-jopa huŋgaŋkehuc ima samaki bacjopa-fârembiŋ. ⁹ Eme Josua e Wofuŋzi âzâcnewec irec sâcko becâsicfâc-jeŋic jaŋere rua hetâcne-fârewec â keretac wiac-jeŋic ine zoczi turuŋkeme zafârewec.

¹⁰ Eme Josua e damen ira mocwâc risierâ Hazoro hae rorâ ñicwofuŋ-ticne zikazi imackewec. Hazoro hae i mâmâc jaha ñicwofuŋ sasawa jaŋere hae qizec ñewec. ¹¹ Eme Israe ñic jaŋe wiac jujune moc mi akic-jopa huŋgaŋkehuc bâsirowec-jopa-fârembiŋ, â Hazoro hae ine Jo-

suazi turun̄keme zawec. ¹² Eme hae sasawa â ñicwofun̄fâc-jen̄ic jañe ine Wofun̄te kin̄aññic Mosezi mutâcnewec irec sâcko Josuazi rocjoparâ zikazi imac-jopahuc bâsirowec-jopa-fârewec. ¹³ Â hae gâcne tikio ñerawec i ine Israe ñic jañe zoczi moc mi turun̄kepie zawec, Hazoro hae sawa Josuazi turun̄keme zawec. ¹⁴ Eme hae irec bulimakao â wiac sasawa Israe ñic jañe jan̄acne bin̄e rocjopambin̄. Â ñic ine moc mi akic-jopahuc zikazi imac-jopa-fârembin̄. ¹⁵ Wofun̄zi kin̄aññic-ticne Mose âzâcne mutâc ewec irec sâc Mosezi Josua mutâcnecnewec. Eme Josua e irec sâc wiac efârewec. E Wofun̄zi Mose mutâcnecnewec i moc mi hetiriwec.

Josuazi mâren̄ rofârewec

¹⁶ Josua e in̄uc ehuc tiki mâren̄ â Negebe mâren̄ erâ Gosen̄ mâren̄ â wânen̄ â sopâc mâren̄, erâ Israere tiki mâren̄ â wânen̄-ticne, mâren̄ i sasawa ro rauc efârewec. ¹⁷ I Halaka tikionec Seiri mâren̄kopec feraku Baali-Gada, Herimon̄ tikifun̄ko Lebanon̄ wânen̄ko fisikac i ro rauc efârewec hâcne. Ehuc Josuazi ñicwofun̄fâc-jen̄ic rocjoparâ imac-jopa-fârewec. ¹⁸ Josua e damen̄ zora ñicwofun̄ i jan̄eh̄ec zika qahuc juwec. ¹⁹ Hae moczi Israe ñic jan̄eh̄ec wama qaqac i moc mi ewec. Gibeon̄ haere ñecjucfâc, Hîwin̄ic hâcne, jan̄eh̄ec sawa emb̄in̄. Hae mâren̄ gâcne i Israe ñic jañe zika qahuc rofârembin̄. ²⁰ Wofun̄ e mâsi-ticne bahuc râsi jan̄ere man̄ bârân̄gen̄keme Israe ñic jan̄eh̄ec zika qazore faharemb̄in̄. I Israe ñic jañe Wofun̄zi Mose mutâcnecnewec irec sâcko

buuruc moc mi qajarehuc omaec-jopaniŋte iŋuc hâcne fuawec.

²¹ Damen ijaha Josua e fisirâ Anaka ɲic, tiki mârenkonec, Heboron, Debiri â Anaba haeonec, erâ Juda tiki mârenkonec â Israe tiki mârenkonec jaŋe mâmâc sasawa bârârân-jopawec; Josua e hae-jeŋichec bâsirowec-jopawec hâcne. ²² Israe ɲic jaŋere mârenko Anaka ɲic moc mi akic-jopapie jumbiŋ. Hae ziŋuc ira afecne maczi jurambiŋ: Gaza, Gati â Asidode.

²³ Wofuŋzi dân sasawa Mose âzâcnewec irec sâcko Josuazi mâren i rofârewec. Ehuc ɲic guru-jeŋic sâc mâren dâkâne dâkâne ro rauc eniŋte Josuazi Israe ɲic jarewec. Eme zika fowarewec i tara-fâreme mâren ira wama fuarâ fowec.

12

Mosezi micne bame mâren rombiŋ

¹ Jordan ɲifec zoaŋ wewefunao mâren forakac, Aronon wânenkonec feraku Herimon tikio fisikac, erâ mâren burocne zoaŋ wewefunaopec rakac i sasawa hâcne Israe ɲic jaŋe ro rauc efârembiŋ. Ehuc ɲicwofuŋ zi jahe bawahac-jofambiŋ: ² Amori ɲic jaŋere ɲicwofuŋ Sihon e Hesibon haeo juhuc Aronon wânen mickekacko Aroe hae ɲekac irecnec fuŋkerâ rafeku wânen zâzâniŋ fotâcnerâ raku Jaboko opâ Gileade mâren dâkâne Amoniŋic jaŋere mao fisikac i sonaŋke-fârewec. ³ Erâ mâren burocne irecnec raku Kinerote riqic zoaŋ wewefunao Bete-Jesimo haeopec rakac â Hâwec Hâmocne irecnec mâren juwicpec raku Pisiga heân fuŋnao mickekac

i wâc māmâc. ⁴ Erâ Basante ñicwofuñ Ogo e Refaim ñic zanzañne jañeraonec mocjaha maczi Asitaroto â Ederei haeo juwec. ⁵ Ehuc mâreñ zĩñuc soñañkewec: Herimon tiki â Saleka hae, erâ Basañ mâreñ sasawa raku Gesuri ñic â Makati ñic jañere mao, erâ Gileade mâreñ dâkâne irecnec raku Hesibonte ñicwofuñ Sihon ere mao fisiwec. ⁶ Wofuñte kinanñic Mose â Israe ñic jañe ñicwofuñ i jahe imac-jofambin. Eme Wofuñte kinanñic Mose eki mâreñ-jekic i Israe ñic jañe ro rauc eniñte Ruben â Gade jahere guru â Manase guru dâkâne bâtâc bajarewec.

Josuazi micne bame mâreñ rombin

⁷ Ñicwofuñ zi â mâreñ-jenñic Jordan ocnĩñuc zoañ huhunaopoc Lebanon wâneñko Baali-Gada hae ñewec irecnec waharâ raku Halaka tiki Seiri mâreñkopec ferâ rakac i Josua â Israe ñic jañe imac-jopa-fârembin. Eme mâreñ-jenñic i Josuazi Israe ñic guru sâc bâtâc bajarewec. ⁸ I tiki mâreñ, wâneñ, sopâc mâreñ, tapine, mâreñ burocne â Negebe mâreñ, Hitinñic, Amori ñic, Kanaan ñic, Perizi ñic, Hiwinñic â Jebusi ñic jañere mâreñ hâcne. ⁹ Ñicwofuñ bawahac-jopambin jañere hae irec zâñe biri ine zĩñuc:

Jeriko, Ai (i Bete hae heririñnao ñewec),

¹⁰ Jerusalem, Heboron, ¹¹ Jaramuti, Lakisi,

¹² Egelon, Gezera, ¹³ Debiri, Gederi,

¹⁴ Horima, Arada, ¹⁵ Libina, Adulam,

¹⁶ Makeda, Bete, ¹⁷ Tapua, Hefere,

¹⁸ Afeke, Lasaron, ¹⁹ Madon, Hazoro,

²⁰ Simoron-Meron, Akisafa, ²¹ Tanaki, Megido,

²² Kedesi, Jokeneam (i Karamele tikio).

²³ Doro (i Nafado mârenko), Goim (i Giligali mârenko),

²⁴ erâ wâc Tiriza. Nïcwofun sasawa zare-jenïc 31.

13

Mârenj gâcne ro rauc embiñ irec dân

¹ Eme Josua e jara bocjaha bazurâ ñicqizec jâmbân ewec. Irec Wofunzi zîñuc âzâcnewec: “Go jara bocjaha bazurâ ñicqizec jâmbân ekomec.

Â mârenj ro rauc eene i kâcqe ne jaha fokac.

² Mârenj furu forakac ine zîñuc: Filisa ñic janere mârenj sasawa, erâ Gesuri ñic janere mârenj i mâmâc. ³ I Aigita mârenj zoan wewefunaopec Si-

hora opâonec faicpec rafeku Ekoronj hae mârenjte mao fisikac. I Kanaanj ñic janere mârenj. Filisa

ñic janere fekicnefâc 5 jaje hae mârenj jurambin ine zîñuc: Gaza, Asidode, Asikalonj, Gati â Ekoronj.

Erâ Awim mârenj juwicpec forakac i wâc furu fokac. ⁴ Erâ Kanaanj ñic janere mârenj sasawa, erâ

wâc Sidonj ñic janere mârenj moc zânene Meare irecnec raku Afeke haeo Amori ñic janere mao

fisikac. ⁵ Erâ wâc Gebali ñic janere mârenj â Herimonj tikifunjo Baali-Gada hae ñekac irecnec

raku zoan wewefunaopec Hamati hae mendânjo fisikac, Lebanonj mârenj sasawa i furu fofârekac

hâcne. ⁶ Erâ tiki mârenj sasawa Lebanonjkonec raku Misirefo-Maim mârenjo fisikac, erâ wâc

Sidonj ñic janere mârenj i mâc fofârekac. Eme Israe ñic jaje ira razininte no nahac mârenj rune

bârâriec-jopapemu. Go ine mutâcne-garepo irec sâcko Israe ñic jaje mârenj i ro rauc eninte kâdoc

qajarezemec. ⁷ Zi ine funjerâ ñic guru 9 â Manase

guru dâkâne jaŋe mâreŋ i ro rauc eniŋte bâtâc bajarec.”

Manase, Ruben â Gade jaŋere mâreŋ

⁸ Ruben â Gade guru jaŋe Manase guru dâkâne moc jaŋehed juniŋte Wofuŋte kiŋaŋŋic Mosezi Jordan ŋifec zoaŋ wewefunaopec mâreŋ jarewec irec ma ziŋuc forawec: ⁹ Aronoŋ wâneŋko Aroe hae opâmecko ŋekac irecnec fuŋkerâ raku wâneŋ zâzâŋiŋko hae ŋekac i fotâcnerâ fe Medeba wâneŋ sasawa rofârêrâ Dibon haeo fisiwec. ¹⁰ Erâ Amori ŋic jaŋere ŋicwofuŋ Sihon, Hesibon haeo juwec, ere hae i mâmâc sasawa rofârêrâ Amonŋic jaŋere mao fisiwec. ¹¹ Izi Gileade mâreŋ â Gesuri ŋic â Makati ŋic jaŋere mâreŋ, erâ Herimon tiki â Basan mâreŋ fotâcnerâ raku Saleka haeo fisiwec. ¹² Erâ Basan ŋicwofuŋ Ogo ŋeŋe juju ewec hae jajahec Asitaroto â Ederei, i erâ ere uucmaŋ furu jaha. Refaim ŋic nâfocne jaŋeraonec Ogo mocjaha sawa hetirine juwec. Ŋicwofuŋ zi jahe hâcne Mosezi jofa jâpec ejactewec. ¹³ Israe ŋic jaŋe Gesuru ŋic â Makati ŋic jopa jâpec mi ejarem-biŋ. Irec jaŋe Israe ŋic jaŋere guruo jumbiŋzi juŋgopien hâcne.

¹⁴ Lewire guru sasawa jaŋe ine Mosezi mâreŋ moc mi jarewec. Jaŋe Wofuŋzi Mose âzâcne mutâc ewec irec sâcko Israere Wofuŋ Anutu ere mamanaç sawa juhapie taha bâzi ririke gie izi jaŋere juju bâfuaocce mujarewec.

¹⁵ Eme Mose e Rubenŋte guru garikiŋ-jeŋic sâc mâreŋ ziŋuc ro rauc eniŋte jarewec: ¹⁶ Aronoŋ wâneŋko Aroe hae opâmecko ŋekac irecnec fuŋkerâ raku wâneŋ zâzâŋiŋko hae ŋekac i

fotâcnerâ fe Medeba wânenj sasawa i mâmâc rofârewec. ¹⁷ Ehuc zuhuckerâ Hesibonj hae â hae piticfâcne wânenjko ñerambinj jañe rocjopawec wâc; ine kecziñuc: Dibonj, Bamo-Baali, Bete-Baali-Meanj, ¹⁸ erâ Jahaza, Kedemoti â Mefata. ¹⁹ Erâ Kiriataim â Sibema, erâ wânenj tiki-ticnao Zeresaha. ²⁰ Erâ Bete-Peoro â Pisiga tiki irec heânj, erâ wâc Bete-Jesimo. ²¹ Wânenjko hae ñerawec i, erâ Amori ñic jañere ñicwofunj Sihonj, Hesibonj hao juwec ere uucmanj furu jaha i mârenjte mazi rofârewec hâcne. Eme Mosezi ñicwofunj e â Midianj micne zi jañe jopa jâpec ejarewec: Ewi, Rekem, Zuru, Huru â Reba. Jañe mârenj ira Sihonjte mefâro jumbinj. ²² Israe ñic jañe ñic gâcne jopahuc, Beoro ñokâ-ticne, fanfanjdân mumu Bileam, e mâmâc qambinj. ²³ Eme Jordanj rârec rârec mârenj gâcne forawec izi Rubenj guru jañere ma ewec. Mârenj ira hae kâcqene â piticne ñerawec i Rubenjte guru jañe garikinj-jenjic sâc ro rauc embinj.

²⁴ Eme Mosezi Gadere guru jañe inuc jaha garikinj sâc mârenj ro rauc eninje jarewec ine ziñuc: ²⁵ Jazere hae â Gileade mârenjko hae ñerawec erâ Amonjñic jañere mârenj dâkâne i mârenjte mazi fotâcnerâ raku Raba hae zoanj wewefunaopeç Aroe hae ñekac ira fisiwec. ²⁶ Erâ Hesibonj haoñec raku Rama-Mizipe â Betonim hao fisiwec. Izi Mahanaim haoñec Debiri hae mârenjko fisiwec. ²⁷ Erâ wâc wânenjko hae ziñuc rorawec: Bete-Haram, Bete-Nimira, Sukati â Zafonj. Izi Hesibonj haere ñicwofunj Sihonj ere uucmanj sasawa, Jordanj heririnjko mârenj forawec

hâcne, i furu jaha rofârerâ feraku Kinerete riqic mecnao fisirâ bânjorierâ zoan wewefunaopec rawec. ²⁸ I Gadere guru jaŋe hae kâcŋene â piticne garikin-jenŋic sâc ro rauc embiŋ hâcne.

²⁹ Eme Mosezi Manasere guru dâkâne jaŋe mâreŋ ro rauc eniŋte jarewec wâc. Ehuc garikin-jenŋic sâc bâtâc bajarewec. ³⁰ Eme jaŋere mazi ine Mahanaim haeonec fuŋkerâ raku Basaŋ ŋicwofuŋ Ogo ere uucmaŋ erâ ŋic moc zâŋene Jairi ere hae 60 ira ŋerawec i sasawa rofârewec. ³¹ Erâ Gileade mâreŋ dâkâne i fotâcnerâ raku Basaŋ ŋicwofuŋ Ogo ere uucmaŋko hae kâcŋene jajahec ŋepic, Asitaroto â Ederei ira fisiwec. I Manasere ŋokâ Makiri ere guru dâkâne jaŋe garikin-jenŋic sâc bâtâc bajarewec.

³² Mosezi Jordan ŋifecnao Jeriko hae zoan wewefunaopec Moabi wânenko juhuc mâreŋ i hâcne ro rauc eniŋte jarewec. ³³ Â Lewire guru jaŋe ine Mosezi mâreŋ moc mi jarewec. Jaŋe Wofuŋ e jahac jazawec irec sâcko Israe ŋic jaŋere Wofuŋ Anutu ere mamanan sawa juniŋte mu-jarewec.

14

Kanaan mâreŋ rukec qambiŋ

¹ Taha bapa Eleaza â Nunte ŋokâ Josua, erâ Israe ŋic guru-jenŋic sâc irec micne jaŋe Kanaan mâreŋ ziŋuc bâtâc bajarepie Israe ŋic jaŋe ro rauc embiŋ: ² Wofuŋzi Mose mutâcnecewec irec sâcko guru 9 â nâfocne jaŋere mâreŋte qanŋec qambiŋ. ³ Mosezi qanaŋ guru jajahec â nâfocne jaŋe Jordan ŋifec mâreŋ jareme ro

rauc embin. Â Lewire guru jaŋe ine mâreŋ moc mi jarewec. ⁴ Josefere guru ine jajahec: Manase â Eferaim. Lewire guru jaŋe mâreŋ dâkâne mac moc mi jarembin hâcne. Jaŋe hae rauckerâ qaŋeŋnao mâreŋ forawec i lama bulimakaofâc-jeŋic râec-jopaniŋte sawa rombin. ⁵ Israe ŋic jaŋe Wofunzi Mose mutâcnecnewec irec sâcko ehuc mâreŋ ro rauc embin hâcne.

Heboron hae i Kalebe râcnembin

⁶ Eme Judare guru jaŋe Giligali haeo Josuarao rambin. Ehuc Kenizi ŋic, Jefune ŋokâ-ticne Kalebe, eki zinuc âzâcnecnewec: “Wofunzi Kadesi-Baranea haeo nâhâcne dân Anutüre ŋic Mose âzâcnecnewec i manakomec. ⁷ No jara 40 bazurâ juhape Wofunte kinanŋic Mosezi mâreŋ hone tâcnepemurâ Kadesi-Baraneaonec sorecnuwec. Eme no risierâ hone manac epo sâc binan bac-nepo. ⁸ Â âgofâc-nane mâmâc femben jaŋe ine maŋ wawaha dân mupie ŋic ŋokac janere maŋ ŋeŋgoronke-fârewec. No ine Wofun Anutunanerao qohota sanankepo. ⁹ Eme damen ira Mosezi mujomirehuc keczinuc muwec: ‘Kikegezi mâreŋ âtemen i jâmbân hâcne ranqa ranqa go â qâricfâcge ŋonere binje fozejec. Go Wofun Anutunanerao qohota sanankemen irec.’ ¹⁰ Manakic, Israe ŋic jaŋe mâreŋ sawao juhapie Wofunzi dân zi Mose âzâcnecnewec. Eme Wofun e muwec irec sâcko jara 45 irec maŋnao hone main enareha juwefukopac. Ehamen zi jara damen-nane 85 ekac. ¹¹ No Mosezi sorecnuwec damen ira tâpiri â zoqachec jupo sâc inucnea damen zinuczia jukopac wâc. Zikare â rac warec eere tâpiri â

zoqac-nane damen ira fowec injucnea zinuczia fonarekac. ¹² Irec Wofunzi tiki mârenj kecziyec muwecte minjcgac mutara-narec. Erâ Anaka njic jaje hae sacsâko-jenichec jumbinj irec man-amenj wâc. Wofunj e nohec juocmu mecne, ehamen Wofunzi muwec irec sâcko sâcne jopa jâpec ejarepemu.”

¹³ Jefune nokâ-ticne Kalebe e dânj injuc mufâreme Josuazi jambunjekwec. Ehuc Heboronj hae mârenj i ro rauc eocte râcnawec. ¹⁴ Irec erâ Heboronj hae i Kenizi njic Jefune nokâ-ticne Kalebe eki ro rauc ewec hâcne. E Israere Wofunj Anutu erao qohota sananjekwecte injuc hâcne ecnekicne. ¹⁵ Mârâc jaha Heboronj haere zâne i Arobare hae mujumbienj. Araba e jahacne ine Anaka njicguruo njic fekicne juwec. Eme zika fowarewec i tara-fâreme mârenj ira wama luarâ fowec.

15

Judare guru mârenj jarembin

¹ Eme Judare guru garikinjâc-jenijc janere sâc mârenj ruhec qajarepie qanenjne Edom mârenjko fisiwec. Ehuc Zinj mârenj burocne juwic jâmbân hurâ rawec. ² Eme janere ma i juwic Hâwec Hâmocne tataranao hâwec razikicne fokac irec-nec funjerâ mârenj juwicpec rawec. ³ Erâ mârenj juwicpec jaha raku Akerabim heânj fotâcnerâ Zinj mârenjko fisiwec. Ehuc Kadesi-Baranea juwicpec Hezoronj haeopec feraku Adari haeo fisiwec. Ehuc bânorierâ Karaka haeo fisiwec. ⁴ Erâ raku Azamonj haeo fisirâ fotâcnerâ Aigita opâopec raku hâwecko mickewec. Izi hâcne mârenj juwicpec

irec majen̄ic ewec. ⁵ Eme zoan̄ wewefunaopeç irec ma ine Hâwec Hâmocne qacnerâ feraku Jordan̄ micnao fisiwec. Â mâren̄ faicpec irec ma ine Jordan̄ micnao hâwec razikicne irecnec ferawec. ⁶ Eme ma izi Bete-Hogela haeo fisirâ fotâcnerâ Bete-Araba hae faicnao fisiwec. Erâ feraku Ruben̄te ñokâ Bohan̄ ere qânâ ñewecko fisiwec. ⁷ Erâ Akoro wânênkopec feraku Debiri haeo fisirâ faicpec jaha raku bânorierâ Gili-gali haeopeç rawec. I Adumin heân̄-ticne irec ñifecnao juwicpec wânên̄ forakac izi ma ewec. Eme ma i zuhuckerâ raku En̄-Semesi opâo fisirâ fotâcnerâ raku Enerogele haeo mickewec. ⁸ Erâ zuhuckerâ feraku Hinom ñokâ-ticnere wânên̄ fotâcnerâ Jebusi ñic jan̄ere tikio Jerusalem hae ñewec irec tapine juwicpec fisiwec. Erâ feraku tiki botân̄nao fisiwec. Tiki izi ine Hinom wânên̄ zoan̄ huhunaopeç foha faicpec Refaim wânên̄ mickekacko ñewec. ⁹ Eme tiki botân̄naonec zuhuckerâ raku Nefitoa opâ zân̄eo fisiwec. Eme irecnec raku Eforon̄ tiki irec hae ñerawecko fisiwec. Eme irecnec ñehasickerâ Bala hae, Kiriati-Jearim hâcne, ira fisiwec. ¹⁰ Eme Bala haeonec zoan̄ huhunaopeç ñehasickerâ Seiri tikio fisi fotâcnerâ raku faicpec Jearim tiki, Kesalon̄ hâcne, irec ombân̄nao fisiwec. Ehuc Bete-Semesi haeo hurâ Timina haeopeç rawec. ¹¹ Erâ mazi faicpec tiki ombân̄nao fotâcnerâ raku bânorierâ Ekoron̄ haeo fisiwec. Erâ raku Bala tikio fisi fotâcnerâ Jabinele haeo rawec. Erâ raku hâwecko mickewec. ¹² Eme zoan̄ huhunaopeç ine Hâwec Sâko qacnerâ ferakac izi majen̄ic ewec. Eme i

hâcne Juda guru garikin-jenîc sâc mâren majenîc ewec.

*Kalebezi Heboron â Debiri hae rauc-jofawec
(Mum 1:10–15)*

¹³ Wofunzi Josua mutâcnecnewec irec sâcko Jefune nokâ-ticne Kalebe Judare guruo mâren dâkâne moc Arabare hae, Heboron hâcne, i râcnecnewec (Aroba e Anakare mamac). ¹⁴ Eme Kalebezi Anaka nokâfâc-ticne jahec â moc: Sesai, Ahiman â Talamai jahe mâren irecnec jopa jâpec ejarewec. Janê Anaka ere qâricfâc hâcne. ¹⁵ Eme irecnec ine Debiri haere necjucfâc jopaocte rawec. Debiri haere zâne ine mârâc Kiriati-Sefe injuc fowec. ¹⁶ Eme Kalebezi muwec: “Moc e Kiriati-Sefe ñic imac-joparâ hae i rome otânane Akisa nonân-ticne eocte râcnepemu.” ¹⁷ Eme Kalebe qaticne Kenazi ere nokâ Otinie eki hae i rowec. Eme Kalebezi otâ-ticne Akisa râcnecnewec. ¹⁸ Eme nokac e fisime hesarac mârenje mamac-ticne wiocneocte nowenezi zoqac ecnewec. Eme dongionec wahame Kalebezi wiocnerâ muwec: “Wemo wiacte egarekac?” ¹⁹ Eme eki âzâcnerâ muwec: “Negebe mârenko râcnumen irec wiac moc tahacnuc, ehuc opâ zâne wâc narec.” Eme Kalebezi opâ zâne faic â juwic i mâmâc râcnecnewec.

Judare guru janere hae ñerawec irec zâne biri

²⁰ Judare guru janê garikin-jenîc sâc hae mâren ro rauc embin zi hâcne. ²¹ Judare guru janere hae mâren juwicpec Edom mâren mao ñerawec ine zinuc: Kabezele, Edere, Jaguru, ²² Kina, Dimona, Adada, ²³ Kedesi, Hazoro, Itinan, ²⁴ Zifi, Telem, Bealoti, ²⁵ Hazo-Hadata, Kerio-Hezoron,

(Hazoro hâcne), ²⁶ Amam, Sema, Molada, ²⁷ Haza-Gada, Hesemon, Bete-Pelete, ²⁸ Haza-Sua, Bere-Seba, Biziotaja, ²⁹ Bala, Iim, Ezem, ³⁰ Elitoladi, Kesili, Horima, ³¹ Zikilaga, Madimana, Saṣṣana, ³² Lebaoti, Silihim, Aiṇ â Rimon. Hae kâcṣene 29, erâ kâkâcṣene gâcne mâmâc. ³³ Eme wânemko ine Esitaoli, Zora, Asina, ³⁴ Zanoa, Eṇ-Ganim, Tapua, Enam, ³⁵ Jaramuti, Adulam, Soko, Azeka, ³⁶ Saraim, Aditaim, Gadera, â Gederotaim. Hae kâcṣene 14, erâ kâkâcṣene gâcne.

³⁷ Zemaṇ, Hadasa, Migi-Dalaga, ³⁸ Dilaṇ, Mizipe, Joketele, ³⁹ Lakisi, Bozakati, Egelon, ⁴⁰ Kabon, Lamasi, Kitilisi, ⁴¹ Gederoti, Bete-Dagon, Nama â Makeda. Hae kâcṣene 16, erâ kâkâcṣene gâcne.

⁴² Libina, Eteri, Asaṇ, ⁴³ Ifita, Asina, Nezihi, ⁴⁴ Keila, Akazibi â Maresa. Hae kâcṣene 9, erâ kâkâcṣene gâcne.

⁴⁵ Ekoron hae, erâ hae kâcṣene â piticne gâcne. ⁴⁶ Eme Ekoron haeonec raku Asidode hae fotâcnerâ hâwecko fisikac mâren ṇonden ira hae ṇerawec i wâc mâmâc.

⁴⁷ Asidode hae, erâ hae kâcṣene â piticne gâcne, Gaza hae, erâ hae kâcṣene â piticne gâcne. Erâ raku Aigita opâ, erâ Hâwec Sâkoopec mâren i mâmâc raucke-fârembiṇ.

⁴⁸ Tiki mârenko ine Samiri, Jatiri, Soko, ⁴⁹ Dana, Kiriati-Sana, Debiri hâcne, ⁵⁰ Anaba Esetena, Anim. ⁵¹ Gosen, Holon â Gilo. Hae kâcṣene 11, erâ kâkâcṣene gâcne.

⁵² Araba, Duma, Esañ, ⁵³ Janim, Bete-Tapua, Afeka, ⁵⁴ Humita, Kiriati-Araba, Heboron hâcne, â Zioro. Hae kâcqe 9, erâ kâkâcqe gâcne.

⁵⁵ Maon, Karamele, Zifi, Juta, ⁵⁶ Jesere, Joke-Deam, Zanoa. ⁵⁷ Kainj Gibeâ â Timina. Hae kâcqe 10, erâ kâkâcqe gâcne.

⁵⁸ Halahuli, Bete-Zuru, Gedoro, ⁵⁹ Marata, Bete-Anota â Elitekonj. Hae kâcqe 6, erâ kâkâcqe gâcne.

⁶⁰ Kiriati-Baali, Kiriati-Jearim hâcne, â Raba. Hae jajahec, erâ kâkâcqe gâcne.

⁶¹ Eme mârenj burocnao ine Bete-Araba, Midinj, Sekaka, ⁶² Nibisanj, hâwec hae hâcne, â Enjedi. Hae kâcqe 6, erâ kâkâcqe gâcne.

⁶³ Judare guru janje Jerusalem nejucfâc-ticne Jebusi njic jopa jâpec sâcne mi ejarembinj. Irec Jebusi njic janje Judanjic janjehec Jerusalemko jumbinjzi junjopienj jaha.

16

Eferaim â Manase guru janje mârenj rombinj

¹ Josefere qâricfâc janje mârenj rukey qajarepie majenjic zinjuc fuawec: Ma i Jeriko heririnj Jordan ombânjnaonec funjerâ raku Jeriko haere opâ zoanj wewefu-ticnao fotâcnerâ mârenj burocnao rawec. Erâ Jeriko haeonec ferâ tiki mârenjko Bete hae newec ira fisiwec. ² Eme Bete haeonec raku Lusi hao fisirâ Areki njic janjere mao Ataroti hao fisiwec. ³ Erâ zuhuckerâ zoanj huhunao hurâ raku Jafeleti njic janjere mârenjko fisirâ fotâcnerâ Bete-Horonj hao fisiwec. Erâ irecnec ine Gezera hae fotâcnerâ raku hâwecko mickewec.

⁴ Josefere qâricfâc Manase â Eferaim guru jaŋe mâreŋ ro rauc embiŋ ine hâcne.

⁵ Eferaim guru garikiŋ-jeŋic sâc jaŋere mâreŋ ine ziŋuc: Mâreŋ majeniŋc zoaŋ wewefunaopeŋ ine Ataroti-Adari haeonec feraku Bete-Horon hae faicne ira fisiwec. ⁶ Erâ raku hâwecko huwec. Faicpec ine Mikimeta haezi ma ewec. Eme mazi zoaŋ wewefunao râreckerâ Tana-Silo haeopeŋc fotâcnerâ rawec. Ehuc zoaŋ wewefunao fotâcnerâ Janoa haeo fisiwec. ⁷ Erâ irecnec huraku Ataroti â Nara haeo fisirâ Jeriko haeo iticnewec. Ehuc Jordaniŋko mickewec. ⁸ Erâ mazi Tapua haeonec zoaŋ huhunaopeŋc raku Kana opâo fisi fotâcnerâ raku hâwecko mickewec. Eferaim guru jaŋe garikiŋ-jeŋic sâc mâreŋ i hâcne ro rauc embiŋ. ⁹ Ehame Eferaimte guru jaŋere hae pitic â hae sâko gâcne i Manasere guruo ŋeraocte mutara-jarembin. ¹⁰ Eferaimte guru jaŋe Kanaaŋ ŋic Gezera haeo jumbiŋ i jopa jâpec mi ejarembiŋ. Irec Kanaaŋ ŋic jaŋe Eferaimte guruo jumbiŋzi damen ziŋuczia juŋgopien jaha. Erâ ine kiŋaŋ qaqa bacjopambiŋte jaŋere mic sâcko juenŋopien.

17

¹ Josefe mârâc fuafua-ticne Manase ere gurufâc jaŋe mâreŋ rukeŋc qajarembiŋ. Manase mârâc ŋokâ-ticne Mariki, Gilaedere mamac, e zikataŋc juwecte Gileade â Basaŋ mâreŋ rocjofawec. ² Eme Abieze, Heleki, Asiriele, Sekem, Hefere â Semida jaŋe Manasere guru nâfocne irec garikinŋfâc jumbiŋzi mâreŋ rombiŋ wâc.

Jaŋe hâcne Josefe mârâc ŋokâ-ticne Manase ere garikinfâc.

³ Hefere ŋokâ- ticne Zelofeha, Gileade ŋosa-ticne hâcne, e Makirire apa, â apa qaja qaja-ticne ine Manase, e ŋokâ moc mi fuacnembiŋ, otâ sawa fuacnembiŋ. Otâfâc-ticne jaŋere zâŋe biri ine ziŋuc: Mala, Noa, Hogela, Milika â Tiriza.

⁴ Eme jaŋe hâcne taha bapa Eleaza â Nunte ŋokâ Josua erâ micne jaŋerao luarâ mumbiŋ: “Wofuŋ e senfâc-nâŋec jaŋehac mârêŋ moc nârême ro rauc enaŋte Mose mutâcne newec.” Eme Josua e Wofuŋzi muwec irec sâcko qomâfâc-jeŋic jaŋehac mâmâc mârêŋ ro rauc eniŋte jarewec. ⁵ Iŋuc ehame Jordan ŋifecnao mârêŋ jajahec fokopirec: Gileade â Basaŋ, ira zuhuckerâ Manasere guru jaŋe mârêŋ dâkâne 10 rauckembiŋ. ⁶ I Manasere otâfâc jaŋe ŋokâ-fâcne jaŋehac mâmâc mârêŋ dâkâne rombiŋte iŋuc fuawec. Eme Gileade mârêŋ i Manasere guru dâkâne gâcne jaŋe jaha jarembiŋ.

⁷ Eme Manasere mârêŋzi Ase jaŋere mârêŋkonec raku Sikem hae maickerâ Mikimeta haeo fisiwec. Erâ ma izi juwicpec raku Eŋ-Tapua hae mârêŋte ŋecjucfâc jaŋerao fisiwec. ⁸ Tapua mârêŋ i Manasere. Mâc, Tapua hae i sawa ine Eferaim qâricfâc-ticne jaŋere ewec. Erâ i Manase guru jaŋere mârêŋ mao ŋewec. ⁹ Eme mazi Kana opâo huwec. Opâ irec juwicnao Manasere hae ŋerawec irec ŋondenao Eferaimte hae gâcne ŋerawec wâc. Â Manasere mazi ine opâ irec faicnao fotâcnerâ raku hâwecko fisiwec. ¹⁰ Mârêŋ juwicpec i Eferaimte â faic mârêŋ ine Manasere.

Ehame hâweczi majekic ewec. Eme faicpec izi ine Asere mârenj mao fisiwec â zoanj wewefuoppec ine Isasare mârenj bâfuawec. ¹¹ Eme Isasa â Ase janjere mârenjko Manasezi Bete-Sean â hae boze-ticne gâcne, â Ibeleam â hae boze-ticne gâcne, erâ Doro haere necjucfâc â hae boze-ticne gâcne â Endoro haere necjucfâc â hae boze-ticne gâcne, erâ Tanaki haere necjucfâc â hae boze-ticne gâcne, â Megido haere necjucfâc â hae boze-ticne gâcne i sasawa rofârewec. Eme mârenj dâkâne moc Nafata i injuc jaha ere ewec. ¹² Erâ Manasere qâricfâc janjere hae i biac ro rauc eninje eipiehapie Kanaan njic janjere mârenj ira zuhuckerâ jumbinj. ¹³ Eme zâhec Israe njic janjere fua sawec ehuc tâpirihac erâ Kanaan njic bawahac-jopahuc janjacne mic sâcko juninje mujarembin, â jopa jâpec ine mi ejarembin.

¹⁴ Eme Josefere guru janjere Josua zinuc âzâcnembin: “Wemocte mârenj dâkâne mocjaha sawa nâremen? Wofunzi ranqa ranqa jambun-nâpoekacte nâne njic guru sâko jungopenen.” ¹⁵ Mupie Josuazi zinuc jazawec: “None njic guru sâko jungopien â Eferaimte tiki mârenji gângâhne boc ekac. Irec faic jâckâteo ferâ Perizi njic â Refaim njic janjere mârenjko nanjacne mârenj qa emasan enzepien.” ¹⁶ Eme Josefere guru janjere mumbin: “Tiki mârenj i sâcnâhac wâc mi eocmu. Erâ wâc Kanaan njic wânenko juengopien janjere keretac aenji bakicne bajungopien, i Bete-Sean â hae boze gâcne, â Jesere wânenko jungopien janjere hâcne injuc eenjopien.” ¹⁷ Eme Josuazi Josefere garikin Eferaim â Manase jazarâ muwec: “None

ņic guru sâko erâ tâpiri sâko foņarekac. Ñoņe mâreņ dâkâne mocjaha sawa ropie mi taraocmu. ¹⁸ Tiki mâreņ i ñoņere efâreocmu, jâckâte fokac i qa emasaņ ehuc rauckepie raku qaņeņnao tarazejec. Kanaan ñic jaņe tâpiriheç, â keretac-jeņic aenzi bakicne ñoņe ine sifu jopa jâpec ejareniņmu.”

18

Silo haeo mâreņ bâtâc bambiņ

¹ Israe kikefuņ jaņe Silo haeo tumanne-fârembiņ. Ehuc tutumante qoruc boze ira ñeocce fârembiņ. Â mâreņ ine sakarepie jaņere biņe ewec.

² Eme Israe ñic guru 7 jumbiņ jaņe mâreņ biac mi jarembiņ. ³ Irec Josuazi Israe ñic ziņuc jaza-wec: “Apafâc-ņeņic jaņere Wofuņ Anutuzi mâreņ biņe qaņarewec i mo damenķo ro rauc eniņmu?

⁴ Irec guru sâc irecnec ñic jahec â moc sasawa bâfuac-jopapie sorec-jopape rarâ fec wahac ehuc mâreņ hone-fârerâ jaņac mâreņte sâc qâreņkerâ norao bawarenzepieņ. ⁵ Juda e ine mâreņ-ticne juwic rowec ijaha zuhuckerâ juzejec â Josefere garikinġac jaņe iņuc jaha faicpec mâreņ-jeņickoa zuhuckerâ junzepieņ. Ehame gâcne jaņe mâreņ bâfâuckepie dâkâne 7 ezejec. ⁶ Eme jaņe mâreņ dâkâne 7 i hone tâcnerâ qâreņkehuc norao bawarenzepieņ. Ehame no zira Wofuņ Anutunâņecte maio kâdoc qaņarepemu. ⁷ Mâc, Lewire guru jaņe ine Wofuņte taha bapa giezi jaņere biņe ekacte ñoņerao zuhuckerâ mâreņ dâkâne moc mi roņgopieņ. Gade, Ruben â Manase guru

dâkâne jañe ine Wofun̄te kin̄an̄ñic Mosezi zoan̄ wewefunaopec Jordan̄ ñifecnao biac jarewec.”

⁸ Eme ñic jañe raniñte faharembin̄. Razo ehapie Josuazi mâren̄ sâcticne qâren̄keniñte zin̄uc jazawec: “Fec wahac ehuc mâren̄ sâcticne qâren̄ke-fârerâ norao mocwâc risien̄zepien̄. Eme no Silo haeo zira Wofun̄te maio ñon̄ere erâ kâdoc qan̄arepemu.” ⁹ Eme ñic jañe rarâ fec wahac ehuc hae ñerawec sâc mâren̄ bâfâuckepie dâkâne 7 fuame papiao qâren̄kembîn̄. Ehuc Josuarao Silo teun̄ko risiembîn̄. ¹⁰ Eme Josuazi Silo haeo Wofun̄te maio Israe ñic garikin̄ sâc mâren̄ bâtâc bajarewec.

Benjamin̄ guru mâren̄ jarembin̄

¹¹ Eme Benjamin̄ guru garikin̄-jeñic sâc mâren̄ rukec qajarepie Judare guru â Josefere guru ñonden̄-jeñicko raziwec. ¹² Eme ma faicpec i Jordan̄ko fun̄kewec. Erâ Jeriko hae qan̄en̄nao fisirâ tiki mâren̄ fotâcnerâ zoan̄ huhunaopece rawec. Raku Betawen̄ mâren̄ burocnao mickewec. ¹³ Erâ irecnec juwicpec jaha raku Lusi (i Bete hâcne) hae qan̄en̄nao fisiwec. Erâ hurâ Ataroti-Adari haeo fisirâ urun̄nao Bete-Horon̄ hae irec juwicpec tiki ñekac ira fisiwec. ¹⁴ Erâ mazi irecnec ñehasickerâ zoan̄ huhunaopece raku Bete-Horon̄ juwicpec tiki ñekac ira fisirâ raku Kiriati-Baali, Kiriati-Jearim hâcne, i Judare guru jan̄ere hae moc, ira mickewec. Hae i jahe hâcne zoan̄ huhunaopece irec ma ekopirec. ¹⁵ Â mâren̄ juwicpec irec mazi ine Kiriati-Jearim hae qan̄en̄nao fun̄kewec. Erâ irecnec zoan̄ huhunaopece raku Nefitoa opâ zân̄enao

fisiwec. ¹⁶ Erâ irecnec hurâ Refaim wâneŋ faicnao Hinom ŋokâ-ticnere wâneŋ fokac irec faicnao tiki ŋekac irec qaŋeŋnao fisiwec. Erâ mâreŋ juwicpec jaha raku Hinomte wâneŋ fotâcnerâ Jebusi tiki juwicpec fisirâ Enerogele haeopec rawec. ¹⁷ Izi bâŋorierâ faicpec raku Eŋ-Semesi haeo fisi fotâcnerâ Adumim heâŋ-ticne ŋifecnao Geliloti hae ŋekac ira fisiwec. Erâ fotâcne hurâ Ruben ŋokâ-ticne Bohaŋ ere qânâ ŋewec ira fisiwec. ¹⁸ Â faicpec ine feraku Bete-Araba hae qaŋeŋnao fotâcne hurâ mâreŋ burocnao fisiwec. ¹⁹ Ehuc zuhuckerâ raku Bete-Hogela hae faicpec ira fisiwec. Erâ fotâcnerâ raku Jordana micnao jâmbâŋ Hâwec Hâmocne razikicne faicpec fokac ira mickewec. Izi ine juwicpec irec ma ewec. ²⁰ Eme Jordana opâzi ine zoaŋ wewefunaopec irec ma ewec. Izi hâcne Benjamiŋte guru, garikiŋ-jeŋic sâc mâreŋ ro rauc embiŋ irec ma.

²¹ Benjamiŋte guru, garikiŋ-jeŋic sâc jaŋere hae ine ziŋuc: Jeriko, BeteHogela, Em-Kezi, ²² Bete-Araba, Zemaraim, Bete. ²³ Awim, Para, Ofira, ²⁴ Kefari-Amona, Ofini â Geba. Hae kâcŋene 12, erâ kâkâcŋene gâcne. ²⁵ Erâ gâcne ziŋuc ŋerawec wâc: Gibeon, Rama, Beroti, ²⁶ Mizipe, Kefira, Moza ²⁷ Rekem, Iripele, Tarala, ²⁸ Zela, Elefa, Jebusi, Jerusalem hâcne, Gibe a erâ Kiriati-Jearim. Hae kâcŋene 14 â kâkâcŋene gâcne. Benjamiŋte guru jaŋe garikiŋ-jeŋic sâc mâreŋ i hâcne ro rauc embiŋ.

19

Simeonŋte guru mâreŋ jarembiŋ

¹ Eme zuhuckerâ mârenj rukec qapie Simeonte guru, garikiñ-jenji sâc janjere biñe i Judare guru mârenj jarekicne irec ñondenñao fuawec. ² Ehame hae ziñuc i mâmâc ro rauc embiñ: Bere-Seba, Seba, Molada, ³ Haza-Sua, Bala, Ezem. ⁴ Elitoladi, Betulu, Horima, ⁵ Zikilaga, Bete-Makabo, Haza-Susa, ⁶ Bete-Lebao, â Saruheñ. Hae kâcçene 13, erâ kâkâcçene gâcne. ⁷ Â gâcne wâc ñerawec ine ziñuc: Aiñ, Rimonj, Eteri â Asañ. Hae kâcçene 4, erâ kâkâcçene gâcne. ⁸ Hae kâkâcçene â kâcçene rârec rârec ñerawec i rofârepi mazi zuhuckerâ raku Bala-Bere hae, Rama hâcne, Negebe mârenjko ñekac ira fisiwec. Mârenj i hâcne Simeonte guru janje garikiñ-jenji sâc ro rauc embiñ. ⁹ Judare mârenj dâkâne i Simeonte guru janjere biñe ewec. Judare guru janjere mârenji kâcçene jâmbânj fowecte Simeonte guru janje mârenj-jenji dâkâne moc rombiñ.

Sebulonte guru mârenj jarembiñ

¹⁰ Ehame zuhuckerâ Sebulonte guru garikiñ-jenji sâc mârenj rukec qajarepi raku Saridi haeopec fisiwec. ¹¹ Ehame mazi zoañ huhu-naopec Marala haeo fisirâ raku Dabesete haeo iticnewec. Erâ Jokeneam hae maickehuc opâ moc fokac ira fisiwec. ¹² Ehuc Saridi haeonec zoañ wewefunaopece raku Kisolo-Tabo hae irec ma fotâcnerâ Daberata haeo fisirâ rahuc Jafia haeo fewec. ¹³ Eme irecnec zoañ wewefunaopece rahuc Gate-Hefe hae fotâcnerâ Eta-Kaziñ haeo fisiwec. Erâ Rimonj haeo rahuc bâñorierâ Nea haeopec rawec. ¹⁴ Eme ma faicne izi bâñorierâ

Hanaton haeopec rahuc Ifitahele wânenko mickewec. ¹⁵ Ehuc hae zîñuc rorawec: Katati, Nahalali, Simoron, Idala â Betelehem. Hae kâcçene 12, erâ kâkâcçene gâcne. ¹⁶ Hae kâcçene â piticne inuçzi mâren ira ñerahame Sebulonte guru jâne garikin-jenîc sâc ro rauc embin.

Isasare guru mâren jarembin

¹⁷ Eme mocwâc zuhuckerâ Isasare guru, garikin-jenîc sâc ruhec qajarembin. ¹⁸ Eme janere mânenko hae zîñuc ñerawec: Jesere, Kesuloti, Sunem, ¹⁹ Hafaraim, Sion, Anahara, ²⁰ Rabiti, Kision, Ebezi, ²¹ Remeti, EnGanim, Enhada â Bete-Pazeze. ²² Erâ mazi hae zîñuc mocwâc rocjopawec: Taboro, Sahazima â Bete-Semesi. Erâ fotâcnerâ rahuc Jordanko mickewec. Hae kâcçene 16, â kâkâcçene gâcne. ²³ Hae kâcçene â piticne inuçzi Isasare guru, garikin-jenîc sâc mâren ro rauc embin ira ñerawec.

Asere guru mâren jarembin

²⁴ Ehame zuhuckerâ Asere guru, garikin-jenîc sâc janere ruhec gambin. ²⁵ Eme janere mânenko hae zîñuc ñerawec: Helikata, Hali, Beten, Akisafa, ²⁶ Alamelec, Amada â Misali. Â zoan huhunaopec ine Kamelele tikio â Libina sohon dodocko fisiwec. ²⁷ Erâ zoan wewefunaopec bâñorierâ Bete-Dagon haeo rawec. Ehuc Sebulon mâren bâfuawec. Erâ Ifitahele wânen faicpec raku Bete-Emec â Nejeli ira fisiwec. Ehuc faicpec jaha zuhuckerâ raku Kabulu fisiwec. ²⁸ Erâ zuhuckerâ hae zîñuc rorawec: Eboron, Rehobo, Hanon, Kana erâ raku Sidon Sâko ira fisiwec.

²⁹ Erâ mazi irecnec bâñorierâ Rama haeo fisi fotâcnerâ Tiro hae sacsanañ-ticnehec ira fisiwec. Erâ fotâcnerâ Hosa haeo fisiwec. Erâ irecnec raku hâwecko mickewec. Erâ hae zîñuc mâmâc rowec: Mahalaba, Akazibi, ³⁰ Uma, Afeke â Rehobo. Hae kâcqene 22, erâ kâkâcqene gâcne. ³¹ Hae kâcqene â piticne inuçzi mâreñ ira ñerahame Asere guru jañe garikiñ-jenji sâc ro rauc embiñ.

Naftalire guru mâreñ jarembiñ

³² Eme mocwâc zuhuckerâ Naftalire guru, garikiñ-jenji sâc ruhec qajarembiñ. ³³ Eme jañere mâreñ mazi Helefe haeonec raku Zananim haeo borinfunço fisi fotâcnerâ Adami-Neke â Jabinele hae rocjofahuc fotâcnerâ Lakum haeo fisiwec. Erâ fotâcnerâ raku Jordaño mickewec. ³⁴ Eme mazi zoaño huhunaopeç raku Azano-Taboro haeo fisiwec. Erâ irecnec ine Hukoka haeo fisiha Sebulonte mâreñ juwicpeç fowec â Asere mâreñzi ine zoaño huhunaopeç fowec. Ehame zoaño wewefunaopeç ine Jordaño fisiwec. ³⁵ Hae sacsanañ-jenichec ine zîñuc: Zidim, Zere, Hamati, Rakati, Kinerete, ³⁶ Adama, Rama, Hazoro, ³⁷ Kedesi, Ederei, Eñ-Hazoro, ³⁸ Iron, Migidale, Horem, Bete-Anata â Bete-Semesi. Hae kâcqene 19, erâ kâkâcqene gâcne. ³⁹ Hae kâcqene â piticne inuçzi mâreñ ira ñerahame Naftalire guru jañe garikiñ-jenji sâc mâreñ ro rauc embiñ.

Dante guru mâreñ jarembiñ

⁴⁰ Ehame mocwâc zuhuckerâ Dante guru, garikiñ-jenji sâc ruhec qajarembiñ. ⁴¹ Eme jañere mâreño hae zîñuc ñerawec: Zora, Esitaoli, Iri-Semesi, ⁴² Salabiñ, Ajalo, Itala, ⁴³ Elon, Timina,

Ekoron, ⁴⁴ Eliteke, Gibeton, Balata, ⁴⁵ Jehudu, Bene-Beraka, Gate-Rimon, ⁴⁶ erâ Me-Jarikon â Rakon. Erâ Jope hae nifecnao mâren fowec i mâmâc. ⁴⁷ Erâ ine Dan te guru mâren i jowac ropie jaje ferâ Lesem hae i zika qarâ rombin. Ehuc wiac sasawa zikazi jopa mizierâ hae i rohuc zâne-ticne apa nîric nîruc-jen icte wase bahuc Dan mumbin. ⁴⁸ Hae kâc qene â piticne i Dan te guru garikin-jen ic sâc mâren ro rauc embin ira nîrawec.

Josua mâren râcnembin

⁴⁹ Mâren bâtâc bapîe tara-fâreme Israe nîc jaje Nun te nokâ Josua e wâc moc râcnembin. ⁵⁰ Ehuc Wofunzi mutâcnewec irec sâcko Eferaim tiki mârenko Timina-Sera hae nîwec i e jahac numu-jarewecte râcnembin. Eme hae i mocwâc barâ jusanankewec.

⁵¹ Taha bapa Eleaza â Nun te nokâ Josua erâ Israe guru garikin-jen ic sâc janere micnefâc jaje Silo haeo tutuman te qoruc boze motâcko Wofun te maio mâren rukec qajarekupie tara-fârewec.

20

Nen ezic haere dân

(3ar 35:6–34; Sâc 4:41–43; 19:1–13)

¹ Eme Wofunzi Josua zinuc âzâcnewec: ² “Go Israe nîc jazac: ‘Mose ecnepe nen ezic hae-nen ic bâfua ranin te nîzawec irec sâcko bâwosâec-jopani. ³ Eme nîc moc e âgo-ticne moc qâhâmoocte mi manasuhuc juku sifu qâhâmooctmuo ine gâcnezi erao zikare okac

bazunzipiŋte wiserâ hae ira sonkezejec. Hae i jaŋe hâcne ŋonjere ŋeŋezic hae erâ ŋeŋzepieŋ. ⁴ Ehame ŋic i me i moczi wiserâ ŋeŋezic hae ira me ira razejec. Rarâ haesac motâcko fisirâ sonaŋ jaŋerao fuŋne-ticne muzejec. Eme jaŋe jowarâ haemaŋko razirâ fic moc râcnepie jaŋehēc juzejec. ⁵ Ehame okac babazu ŋic moczi soc jaha honkeocte bâjâperâ fisime hae irec rune jaŋe ŋic âgo-ticne qâhâmowec e okac babazu ŋic ere meo mi râenzepieŋ. ⁶ E hae ira juhame kikefun jaŋe tutumaŋko fuŋne-ticne bataniŋkepie me damaŋ ira taha bapa micne juocmu e hâmome ine hae-ticne beherâ wisewec ira mocwâc risierâ wiacfâc-ticne jaŋehēc juzejec.’ ”

⁷ Irec Israe ŋic jaŋe hae ziŋuc bâwosâec-jopambiŋ: Moc Kedesi, hae i Galilaia ŋic jaŋere ŋondenko Naftali tiki mârenko ŋewec. Moc ine Sikem, i Eferaim tiki mârenko ŋewec. Â moc ine Kiriati-Araba, Heboron hâcne, i Juda tiki mârenko ŋewec. ⁸ Eme Jordan ŋifecnao, Jeriko zoaŋ wewefunao, mâren burocner zâzâŋiŋko Rubente guru jaŋere mârenko hâcne, Bezere hae bâwosâembij. Â Gadere guru jaŋere mâren Gileade ira ine Ramoti haezi ŋewec. Erâ Manasere guru jaŋere mâren Basaŋ ira ine Golaŋ haezi ŋewec. ⁹ Hae keci i Israe ŋic jaŋacne â ŋic jabanezi ŋonden-jeŋicko ŋec juc embij jaŋere wâc mâmâc bâwosâec-jopambiŋ. Eme moc e ŋic moc qâhâmoocte mi manasuhuc juku sifu moc qawecko ine hae ira wiserâ rawec. Eme ŋic moczi socte okacne soc jaha honkeocte bâjâpewecko ine sifu mi qâhâmowec. Â ŋic hae

injucnao soŋkewec ere fune ine qanaŋ kikefun jaŋere maio bataniŋke jumbienj.

21

Lewire guru jaŋere hae

¹ Lewi guru, garikinƒâc-jeŋic jaŋere micne jaŋe taha bapa Eleaza â Nunte nokâ Josua, erâ Israe ƚic guru garikin-jeŋic sâc jaŋere micneƒâc jaŋerao fisimbinj. ² Ehuc Kanaan mârenko Silo haeo zinuc jazambinj: “Hae â rârec mârenj sopâc kecqaŋnehec forakac i nâŋe rauckehuc lama bulimakaofâc-nâŋec râec-jopanaŋte Wofunzi Mose âzâcne mutâc ewec.” ³ İrec Israe ƚic jaŋe Wofunzi mutâcnecwec irec sâcko Lewire guru jaŋe hae â hae rârec sopâc kecqaŋ mârenj forawec i lama bulimakaofâc-jeŋic râec-jopaniŋte jaŋacne mârenkonec dâkâne jarembinj.

⁴ Eme qâsâi qapie Kohatire guru garikin-jeŋic sâc jaŋere zâŋe i bâbâni fuawec. Izi Lewire guru jaŋeraonec taha bapa Aronŋe qâricƒâc jaŋe Juda, Simeonj â Benjaminj guru jaŋeraonec hae 13 jarembinj.

⁵ Injuc erâ Kohati guru nâfocne jaŋere mocwâc qapie ine Eferaim, Danj â Manase guru dâkâne garikin-jeŋic sâc jaŋeraonec hae 10 jarembinj.

⁶ Eme Isasa, Ase â Naftali guru garikin-jeŋic sâc, erâ Manase guru dâkâne Basanj mârenko jumbinj jaŋeraonec hae 13 i Geresonŋe guru jarembinj.

⁷ Eme Merarire guru garikin sâc jaŋe Rubenj, Gade â Sebulonj guru jaŋeraonec hae 12 jarembinj.

⁸ Wofunzi Mose mutâcnecneme mufua-jarewec irec sâcko Israe ƚic jaŋe qâsâi qahuc hae rârec

lama bulimakaofâc-jenjiç râec-jopaninthe Lewi guru hae â mârenj i jarembinj hâcne.

⁹ Juda â Simeonj guru janjeraonec hae zinuc ¹⁰ i Lewire guruonec Kohatire qâricfâc Aronthe guru jarembinj. I qâsâi qapie janjere zânjezi bâbâni fuawec hâcne. ¹¹ Juda tiki mârenjko Anaka mamac-ticne Araba ere hae newec, Heboronj hâcne, hae i â râreckerâ mârenj forawec i lama bulimakaofâc-jenjiç râec-jopaninthe mâmâc jarembinj. ¹² Â hae irec hesarac mârenj â hae piticne gâcne ine Jefune nokâ-ticne Kalebezi rô rauc eocte râcnembinj.

¹³ Eme taha bapa Aronthe qâricfâc janje ine hae zinuc i lama bulimakaofâc-jenjiç râec-jopaninthe mârenjhec jarembinj: Heboronj, i zika qaqa njic janjere nenjezic hae hâcne, erâ Libina, ¹⁴ Jatiri, Esitemoa, ¹⁵ Holonj, Debiri, ¹⁶ Ainj, Juta â Bete-Semesi. Hae 9 i Juda â Simeonj guru janjeraonec rombinj hâcne. ¹⁷ Erâ zuhuckerâ Benjaminj guru janjeraonec wâc lama bulimakaofâc-jenjiç râec-jopaninthe mârenj-jenichec hae jahec â jahec zinuc rombinj: Gibeonj, Geba, ¹⁸ Anatoti â Alimonj. ¹⁹ Hae 13 i lama bulimakaofâc-jenjiç râec-jopaninthe mârenjhec mâmâc Aronthe qâricfâc taha bapa jumbinjanje jarembinj.

²⁰ Lewire guruonec Kohatire dâkâne garikinjenjiç sâc Eferaimte guruonec hae gâcne jarembinj. ²¹ Eme hae zinuc i rârec-joparâ lama bulimakaofâc-jenjiç râec-jopaninthe mârenjhec mâmâc jarembinj: Eferaim tiki mârenjko ine Sikem, nenjezic hae moc, erâ Gezerâ, ²² Kibizaim â Bete-Horonj. Hae kâcqene jahec â jahec

i hâcne. ²³ Eme Dante guruonec inuc jaha hae â rârec-jopahuc mârenj forawec i lama bulimakaofâc-jenjc râec-jopaniñte mâmâc jarembiñ. Janere zâñe ine ziñuc: Eliteke, Gibeton, ²⁴ Ajalonj â Gate-Rimonj. Hae kâcçene jahec â jahec i hâcne. ²⁵ Eme Manasere guru dâkâne janeraonec ine hae jajahec â hae rârec-jofahuc mârenj forawec i lama bulimakaofâc-jenjc râec-jopaniñte mâmâc jarembiñ ine ziñuc: Tanaki â Gate-Rimonj. ²⁶ Kohatire guru dâkâne, garikiñ-jenjc sâc lama bulimakaofâc-jenjc râec-jopaniñte mârenjhec mâmâc ropie hae 10 ewec.

²⁷ Eme Lewire garikiñ guru janeraonec moc Geresonje guru jaje Manasere guru dâkâne janeraonec hae jajahec â rârec-jofahuc mârenj forawec i lama bulimakaofâc-jenjc râec-jopaniñte jarembiñ ine ziñuc: Golanj, i ñeñezic hae moc, Basanj mârenjko ñewec, erâ Besi-Tara. ²⁸ Eme Isasare guru janeraonec ine hae jahec â jahec erâ rârec-jopahuc mârenj forawec i lama bulimakaofâc-jenjc râec-jopaniñte mâmâc jarembiñ ine ziñuc: Kisionj, Daberata, ²⁹ Jaramuti â En-Ganim. ³⁰ Eme Asere guru janeraonec hae jahec â jahec erâ rârec-jopahuc mârenj forawec i lama bulimakao râec-jopaniñte mâmâc rombiñ ine ziñuc: Misali, Abadonj, ³¹ Helikata â Rehobo. ³² Eme Naftalire guru janeraonec hae jahec â moc â rârec-jopahuc mârenj forawec i lama bulimakao râec-jopaniñte mâmâc rombiñ ine ziñuc: Kedesi, ñeñezic hae moc, i Galilaia mârenjko ñewec, erâ Hamo-Doro â Karetanj. ³³ Geresonje guru, garikiñ-jenjc sâc jaje hae 13, â rârec-jopahuc

mâreŋ forawec i lama bulimakao râec-jopaniŋte jarembiŋ hâcne.

³⁴ Lewire guru nâfocne Merarire garikiŋ guru jaŋe Sebulonŋte guru jaŋeraonec hae jahec â jahec erâ rârec-jopahuc mâreŋ sasawa i lama bulimakaofâc-jeŋic râec-jopaniŋte mâmâc jarembiŋ ine ziŋuc: Jokeneam, Kareta, ³⁵ Dimina â Nahalali. ³⁶ Â Rubenŋte guru jaŋeraonec ine hae jahec â jahec erâ rârec-jopahuc mâreŋ forawec i lama bulimakaofâc-jeŋic râec-jopaniŋte mâmâc jarembiŋ ine ziŋuc: Bezere, Jahazi, ³⁷ Kedemoti â Mefata. ³⁸ Â Gadere guru jaŋeraonec hae jahec â jahec erâ rârec-jopahuc mâreŋ forawec i lama bulimakaofâc-jeŋic râec-jopaniŋte mâmâc jarembiŋ ine ziŋuc: Ramoti, nejezic hae moc, i Gileade mâreŋko newec erâ Mahanaim, ³⁹ Hesibon â Jazere. ⁴⁰ Lewire guru dâkâne Merarire guru hâcne jaŋe garikiŋ-jeŋic sâc hae 12 jarepie tarawec.

⁴¹ Israe ŋic guru gâcnezi mâreŋ ro rauc embiŋ jaŋere ŋondenko Lewire guru jaŋe lama bulimakaofâc-jeŋic râec-jopaniŋte hae â rârec-jopahuc mâreŋ forawec i rokupie 48 ewec.

⁴² Hae jarembiŋ i râreckehuc mâreŋ forawec i mâmâc jare-fârembiŋ hâcne.

Israe ŋic jaŋe mâreŋ raucke-fârembiŋ

⁴³ Wofuŋ e Israe ŋic mâreŋ jareocte ŋosafâc-jeŋic mujomire-jarewec irec sâcko jare-fâreme ro rauc ehuc mâckerâ jumbiŋ. ⁴⁴ Eme Wofuŋzi mujomire-jarewec irec sâcko wama fuarâ fowec. I Wofuŋ e jahac râsifâc-jeŋic sasawa mejenicko râec-jopa-fârewecte moczi moc mi

sanaŋkewec. ⁴⁵ Wofunzi Israe ɲic mumupan dāŋ bianne jaza rawec i fâri mât mi ehuc denke-fârewec hâcne.

22

Jordan heririŋko alata bambiŋ

¹ Josuazi Ruben guru, Gade guru â Manase guru dâkâne hefârec-joparâ ² ziŋuc jaza-wec: “Wofunte kiŋaŋɲic Mosezi dāŋ ɲaza mutâc ewec i soŋaŋke-hâmohuc noni dāŋ ɲaza mutâc epo i wât reŋke-fârembiŋ. ³ Erâ damen zora jâmbâŋ qomâfâc-ɲenɲic jaŋheh hehetiric moc mi ehuc mâtât jaha juwefuengopien. Erâ wât Wofun Anutu-ɲenɲicte mumutâc dāŋ sasawa i aimun soŋaŋke-fârembiŋ. ⁴ Eme damen zi ine Wofun Anutu-ɲenɲiczi mupaŋkewec irec sâccko qomâfâc-ɲenɲic uruc jaun tahac-jopawec. Irece ɲone wât Wofunte kiŋaŋɲic Mosezi Jordan ɲifecnao hae mâren ro rauc eniŋte ɲarewec fokac ira risienŋ. ⁵ Wofunte kiŋaŋɲic Mosezi sâcmutâc dāŋ sasawa mutâcne-ɲarehuc Wofun Anutu-ɲenɲic manjaun ecnerâ ere hataoa juniŋte â sâcmutâc dâŋticne soŋaŋkehuc erao qohota sanaŋkerâ man mamanasu-ɲenɲiczi e kiŋaŋ qacnehuc juniŋte ɲaza mutâc ewec i aijakic jaha soŋaŋkehuc junzepien.” ⁶ Josua e iŋuc jaza-fârerâ jambun-jopahuc râec-jopame hae-jeŋic sâc risie rambiŋ.

⁷ Manasere guru dâkâne moc jaŋe Mosezi Basan mârenko mâren ro rauc eniŋte jarewec. Â guru dâkâne moc jaŋe ine Josuazi qomâfâc-jeŋic gâcne jaŋheh Jordan ɲifec zoan huhunaopece mâren i

jarewec. Josua e sorec-jopame razo ehapie jam-bun-jopawec. ⁸ Ehuc zinuc jazawec: “Nõje mafa sâkohec, lama bulimakao bocjaha jâmbân, siliwa, gol, aen bâbâron, â aen, erâ ñaqi qoruc bocaha rombin i barâ hae-ñenicko risienzepien; ehuc râsifâc-ñenic janjeraonec rokiçne i qomâfâc-ñenic jajehec bâtâc banzepien.” ⁹ Eme Ruben â Gade guru erâ Manase guru dâkâne jaje Silo hae Kanaan mârenko newec irecnec Israe ñic guru gâcne beheç-joparâ hae-ñenic sâc Gileade mâren Wofunzi Mose mutâcnecneme jaje jançac ro rauc embin ira raniñte rambin.

¹⁰ Eme guru jahec â moc i jaje Jordan ñifecnao Kanaan mâren ñonden moc zâñene Geliloti ira fisirâ alata sâko moc bambin. ¹¹ Eme Israe guru gâcne jaje bin zinuc mupie manambin: “Manançopien, Ruben â Gade guru erâ Manase guru dâkâne jaje Geliloti mârenko alata moc bambin. Hae mâren i Jordan heririn Kanaan mâren qançenao Israe guru sâko nânâcne mârenkopec fokac hâcne.” ¹² Israe guru sâko jaje inuc manarâ furu jaha râsi fisi-jareninçte Silo haeo tumançnemin.

¹³ Ehuc Israe ñic jaje Gileade mârenko Ruben â Gade guru erâ Manase guru dâkâne jançao taha bapa Eleazare ñokâ Pinehasi, ¹⁴ â micne 10 Israe guru garikin-ñenic sâc irecnec micne moc moc hâcne, jaje ehec mâmâc sorec-jopambin. ¹⁵ Eme jaje Gileade mârenko Ruben â Gade guru erâ Manase guru dâkâne jançao fisirâ zinuc jazambin: ¹⁶ “Wofunçte kikefun zinuc mukac: ‘Nõje wemocte Israere Wofun Anutu bunao bahuc

bâbâsifuc zi bâfuambîŋ? Nŋe alata zi bahuc Wofunŋe dân sâcne mi renkembîŋ. Nŋe inuc ehuc Anutu fecnenŋopien hâcne. ¹⁷ Peoro haeo bahac fuame Wofunŋinîc ñokac bâtin-jopawec i moc mi manasunŋopien me? Eme damenŋ zi bahac izi hâcne kidapec-nâpoha junŋopenenŋ. Eme izi sawa mi fozac me? ¹⁸ Nŋe Wofun râpecke sananŋeninŋte munŋopien me? Nŋe minŋecgac Wofun dânŋticne mi renkeninŋmuo ine tomâcko biac Israe ñic sasawa mana gâpâre-nâreocmu. ¹⁹ Nŋe mârenŋ-ñenickoa jupie Wofun aranŋ babacnere sâc mi ekacko ine Wofunŋe mârenŋko e jahacne qoruc boze ñekacko fânzepienŋ. Ehuc ñondenŋ-nâñecko mârenŋ ro rauc enzepienŋ. Erâ Wofun Anutu-nâñecte alatao zuhuckerâ alata moc bahuc Wofun â nâñe qâhuc-nâpohuc wiac ebac ee ine mi enzepienŋ. ²⁰ Nŋe 3era ñokâ-ticne Akan erao mâsi fuawec irec manasunzepienŋ. E wiac Wofunŋe meo râekicne irec mumutâc fuawec i qatarame Israe kikefunŋ sasawa janŋerao bâbâtinŋ fuawec. Erâ Akan e kinŋ bahac-ticnere erâ buc mi hâmowec.’ ”

²¹ Eme Rubenŋ â Gade guru â Manase guru dâkâne, janŋe Israere guru, garikinŋ sâc janŋere micne dân zinuc bâtikie-jarembîŋ: ²² “Wofunŋ e Anutu Fekicne Mocjaha. Wofunŋ e Anutu Fekicne Mocjaha. Funŋe wemocte alata bambenŋ i eki manakac â ñŋe wâc minŋecgac mananŋzepienŋ. Me Wofunŋe dân qatarahuc hata âte sifuckembenŋko ine moc mi akic-nâponzepienŋ. ²³ Nâñe Wofunŋe dân qatarahuc nâñe nânâcne alata barâ ira hosâc âsu bâzi ririke, me jacŋonŋ wiaczi

taha banante, me wamare taha banante alata i bambenko ine Wofun e jahac batij-napozejec.

²⁴ Nâne ine zinjucte alata i bamben: Juku nacnere nonere qaricfâc jâne nânere qaricfâc zinjuc moc jazanzipinte: Nonê Israere Wofun Anutu ehêc zuzuhuc-nenêc moc fokac me? ²⁵ Wofun e Jordan opâzi nânê â Ruben â Gade guru nonê manânec eocte râewec, nonê Wofunhêc zuzuhuc-nenêc moc mi fokac i injuc muhuc nonere qaricfâc jâne nânere qaricfâc bâurun-jopapie Wofun aran babacne i nânêrao omaezacte erâ alata zi bamben. ²⁶ I bâzi ririke me taha râe guruc eere mâcne, ²⁷ guru jajahec nânâcne ma eocte bamben. Erâ êc gañne gañne faicnao fua raniñmu janere wâc mâmâc ezejec. Wiac izi hâcne zinjuc mutâcne-jarezejec: Nânê Wofun Anutu aran bacnehuc qowi bâzi ririke, taha bâzi erâ wama bâzi i bajuençopenenê wâc. Erâ juku nacnere nonere qaricfâc jâne nânere qaricfâc zinjuc jazanzipinte alata zi bakicne: ‘Nonê Wofunhêc zuzuhuc-nenêc moc fokac me?’ ²⁸ Irec nânê zinjuc manasumben: Juku nacnere nânere me qaricfâc-nânec janêrao dân injucne moc mupie nânê zinjuc jazanzepenen: Honeniñ, nosafâc-nânec jâne alata zi bamiñ i Wofunte alata injucne. I qowi bâzi me taha bâzi ririkere mâcne, nonê â nânê nonden-nâneco mumutaniñ-nânec erâ neocte bamiñ. ²⁹ Nânê Wofunte dân mi qatara-jâmbânkenzepenen, me alata moc barâ ira qowi bâzi ririke, me jacgon â taha gâcne râe guruc i wâc mi mac enzepenen. Erâ wâc Wofunte qoruc bozere motâcnao alata ñekac injucne moc mi zuhuckerâ banzepenen.”

³⁰ Eme taha bapa Pinehasi â Israe guru, garikiñ-jeñic sâc irec micne sasawa taha bapahec jumbiñ jañe Ruben â Gade guru â Manase guru dâkâne jañe dân mumbiñ i manapie sâckewec.

³¹ Eme taha bapa Eleazare ñokâ Pinehasi e Ruben â Gade guru â Manase guru dâkâne ziñuc jazawec: “Miñecgac manañgopenen: Wofuñ e ñonden-ñâñecko jukac. Wemocte, ñone wiac i ehuc Wofuñ bunao mi bambiñ. Eme zi Israe ñic sasawa jañe Wofunte bâbâtiñko fenzipiñte bâfiriec-jopañgopien hâcne.”

³² Eme taha bapa Eleazare ñokâ Pinehasi â micne guru jañe Gileade mârenko Ruben â Gade guru jañeraonec risierâ Kanaan mârenko Israe ñic jañerao rambiñ. Ehuc ñic ñokac dân binan ejarembiñ. ³³ Eme Israe ñic jañe dân binan-jeñic manapie sâckewec. Eme Anutu mucne bacnehuc Ruben â Gade guru jañe mâren ro rauc erâ ju-sanañkemiñ i râsi ejarehuc bâsirowec-jopaniñte mumbiñ i behemiñ. ³⁴ Eme Ruben â Gade guru jañe alatare zâñe Mumutaniñ mumbiñ. I ziñucte manasuhuc: “Wiac izi manâñec ehuc, Anutu e Wofuñ jâmbân jukac i mutaniñkezejec.”

23

Josua e mâmbâzoc â uñsawan dân

¹ Wofuñ e Israe ñic râsifâc-jeñic jañeraonec batarac- joparâ wama bâfua-jareme juwe-fukuhapie jaha Josua e ñicqizec jâmbân ewec.

² Ehuc Israe ñic sasawa erâ soñan micne, mumutara ñic â fekicnefâc-jeñic hetuman-jopa-fârerâ kecziñuc jazawec: “No ñicqizec jâmbân

ekopac. ³ Wofuŋ Anutu-ŋeŋiczi ɲoŋere erâ ɲic gurune gurune zi jaŋerao wiac sasawa ewec i hone-fârembiŋ. E ɲoŋere erâ zika qawec hâcne. ⁴ Mananɣopien, Jordan opâzi qâtâcneme raku zoaŋ huhunaopeç Hâwec Sâkoo fisikac ira ɲic gurune gurune bawahac-jopapo. Erâ ɲicguru gâcne juranɣopien jaŋere mâreŋ i guru-ŋeŋicte sâcko bâtâc barâ ɲoŋere biŋe râepo wâc. ⁵ Wofuŋ Anutu-ŋeŋiczi bânierâ gurin-jopahuc jopa jâpec ejareocmu. Eme Wofuŋ Anutu-ŋeŋic e mupaŋke-ɲarewec irec sâcko mâreŋ-jeŋic roninmu. ⁶ Erâ Mosere sâcmutâc papia qizecko wiac sasawa qâreŋkekicne fokac i aimuŋ jaha soŋaŋkehuc efârenzepien, moc mi zepien. ⁷ Ehuc ɲic gurune gurune irec zanzanzezi ɲonden-ŋeŋicko zuhuckerâ juŋgopien jaŋehac sisifuc mi enzepien. Â nemufâc-jeŋic jaŋere zâŋe mu bâuac, me jaŋere zâŋeo mumupaŋ dân mumu me kiŋaŋ qaqaŋare, me dienzi herâ dadape-jare i wâc moc mi ejâmbânkenzepien. ⁸ ɲoŋe juwefuŋgopien inucnea Wofuŋ Anutu-ŋeŋictao qohota sanaŋkerâ junzepien. ⁹ Wofuŋ e ɲoŋe zira juniŋte ɲic gurune gurune tâpiri qicwânzâŋ-jeŋichec jopa jâpec ejare-fârewec. Ireç juwefuhapie ɲic moczi sanaŋkerâ râsi fifisi-ɲare i moc mi fuawec erâ wâc mi fuakac. ¹⁰ Wofuŋ Anutu-ŋeŋic e mupaŋke-ɲarewec irec sâcko ɲoŋere erâ zika qaekacte ɲoŋeraonec mocjahazi ɲic 1 tausen jaŋe ejareme sâcne wiseninmu. ¹¹ Zi ine ɲaŋac juhâmoniŋte Wofuŋ Anutu-ŋeŋic maŋzi zâficke-jâmbânkenzepien. ¹² ɲoŋe mocwâc risierâ ɲic gurune gurune hetiric-jopakicne ɲonden-

nenjicko juranġopien, jaŋerao qohotahuc ñokac naren ġaren eniŋmuo ¹³ ine Wofuŋ Anutu-nejiczi zuhuckerâ ñic gurune gurune zi jopa jâpec moc mi ejare-jâmbânkeocmu. Jaŋe hâcne ñoŋere bitin eniŋmu, erâ wâc ñâŋârâc-nejic ehuc ñifec â ñifec qâzâic-ŋopaniŋmu â zârâ ehuc zâŋe-nejicko âkec-ŋopaniŋmu. Inuc fokuhame Wofuŋ Anutu-nejiczi mâren bian ñarewec zira oma-fâreniŋmu.

¹⁴ “Zi hâmoc damen-nane qândânkekac. Wofuŋ Anutu-nejiczi dân bianne mupaŋke-ñarewec i ninic jaha fua-fârewec i ñoŋe maŋ mamanasu-nejicko buc buc manasuŋgopien. Mumupaŋ sasawa i moc mi wahahuc mupaŋkewec sâc denke-fârewec. ¹⁵ Eme Wofuŋ Anutu-nejiczi wiac bianne ñoŋerao fuaocte mupaŋkewec sâc fuawec. E behepie ine irec sâc jaha ñoŋerao wiac hâhâwicne sâko bâfuaocmu. Ehuc mâren bianne zi ñarewec irecnec bâsirowec-ŋopaocmu. ¹⁶ E zâzâfic-ticne mutâcne-ñarewec i hetâcnehuc nemu dape-jarehuc kiŋaŋ qajareninmuo inuc hâcne fuaocmu. Eme ñoŋerao Wofuŋte kimbenzi bâruŋkeha mâren bian ñarewec zira boc mi juŋe-huc biac omaeniŋmu.”

24

Israe ñic jaŋe Anutuhec embiŋ

¹ Josua e Israe ñic guru sâc furu jaha Sikem hao hetumaŋ-jopawec. Ehuc soŋaŋ micne, mumutara ñic â fekicnefâc-jeŋic hefârec-jopame Anutire maio fisimbiŋ. ² Eme Josuazi ñic ñokac sasawa kecziŋuc jazawec: “Israere Wofuŋ Anutu e ziŋuc mukac: ‘Mârâc sasac jaha jâmbân apa

nosafâc-nenĵic jaŋe Eufрата opâ ocniŋucnao juhuc nemu gâcne aranĵ bajare jumbienĵ. I jaŋeraonec moc Tera, Abraham â Naho jahere mamac. ³ Eme no apa-nenĵic Abraham e Eufрата opâ ŋifecnaonec rorâ jowa warepe Kanaan mârenĵ ate-fârewec. Ehame qâricfâc-ticne bocjaha basawec-jopapo, ehuc Isaka râcnepo. ⁴ Eme Isakare ŋokâ jahec Jakobo â Esau bâfuac-jopapo. Erâ Esau e Seiri tiki mârenĵ i ro rauc eocte râcnepo. Jakobo â qâricfâc-ticne jaŋe ine Aigita mârenĵko humbinĵ. ⁵ Ehame no Mose â Aronĵ jaŋerao sorec-jofahuc Aigita mârenĵko wiac qeŋ bipinehec bâfuârâ jowac-jopa wefupo. ⁶ Erâ apa nosafâc-nenĵic Aigita mârenĵkonec jowac-jopape wareku Hâwec Bâbâronĵko fisimbinĵ. Ehame Aigita ŋic jaŋe apa nosafâc-nenĵic bâjâpec-joparâ zika keretac â momori ŋic becâsicfâc-jeŋichec Hâwec Bâbâronĵko fisimbinĵ wâc. ⁷ Eme apa nosafâc-nenĵic jaŋe Wofuŋ no kio wâwâsic enarembinĵ. Enarepie jaŋe â Aigita ŋic ŋondenĵ-jeŋicko dapâc qisiric bâfuapo. Ehuc mupe hâweczi Aigita ŋic qâuruc-jopa-fârewec. No Aigita mârenĵko wiac bâfuapo i hone-fârembinĵ. Erâ mârenĵ burocnao damenĵ zora jâmbânĵ jumbinĵ. ⁸ Erâ no bacŋopa warehuc jukuhape Jordanĵ ŋifecnao Amori ŋic jaŋere mârenĵko fisimbinĵ. Fisipie jaŋe ŋonehec zika bâfuapie menenĵicko râec-jopape mârenĵ-jeŋic ro rauc ehapie sâc bâsirowec-jopapo. ⁹ Eme Ziporo ŋokâ-ticne Balake e Moabi ŋicwofuŋzi faharerâ Israe ŋic ŋonehec zika qawec. Ehuc Beoro ŋokâ-ticne Bileamzi sâwec-ŋopaocce dâŋ râecnewec. ¹⁰ Erâ no sifu Bileam dâŋticnere hazec moc mi

râepo. Ehamê jambuñ-ñopawec. Eme no Balakere meonec batarac-ñopapo hâcne. ¹¹ Eme ñoñe Jordan opâ fotâcnerâ Jeriko haeo razimbin. Razipie Jeriko ñic jañe ñoñehêc zika bâfuambin. Erâ Amori ñic, Perizi ñic, Kanaan ñic, Hitinîc, Girigasi ñic, Hiwinîc â Jebusi ñic jañe wâc inuc jaha embin. Eme no menenicko râec-jopa-fârepo. ¹² Inuc ehuc Amori ñicwofuñ jajahec hâhâwic sâko hejactepe hâbi-jekic goronkeme wise-ñarepic. I ñoñere tepe me zika wiaczi gie i mi bawec. ¹³ No mâren â fîc hae ñarepo i ñoñe giene mi bambin. Erâ ira ñeñe juju ehuc wain â oliwa nâengopien i ñoñe ñañac he sarac wâc mi embin.’

¹⁴ “Eme irec hâcne Wofuñ arañ bacnehuc manbianko jaun fârihec kinan qacnenzepien. Erâ apa ñosafâc-ñenîc jañe Eufрата opâ ocniñucnao â Aigita mârenko nemu arañ bajarerâ dape-jarehuc jumbin i behe-fârerâ Wofuñ kinan qacnenzepien. ¹⁵ Me Wofuñ kinan qacneninîte mi enarekacko ine minecgac jaha mo kinan qacnezo munğopien e mutaninkenin. Apa ñosafâc-ñenîc jañe Eufрата opâ ocniñucnao mâren fokac ira nemu arañ bajarehuc dape-jarembin i me mâren-jenicko ñec juc engopien. Amori ñic hâcne, janere nemufâc dape-jareninmu. No â wiacfâc-nane nâñe ine Wofuñ kinan qacnenanmu.”

¹⁶ Eme ñic ñokac jañe dân kecziñuc bâtikiecnembin: “Nâñe Wofuñ râpeckerâ nemu kinan qağajare i moc mi ejâmbânkenanmu. ¹⁷ Wofuñ Anutu-nâñec e jahac apa ñosafâc-nâñec â nâñe nâñâcne Aigita mârenîte niñginconec batarac-nâpowec. Ehuc fune qağa mâsi zâñe fai-

nâñecko bawec. Â hata jumben sâc eki aki anonoc enârehuc jowac-nâpohame ñic gurune gurune janere ñondenko fotâcnemben. ¹⁸ Erâ nâñe mâren zira razinanthe Wofun e jahac Amori ñic gurune gurune zira jumbin jañe jopa jâpec ejarewec. Irec nâñe wâc Wofun kinan qacnenanmu. Eki hâcne nânâcne Anutu fârine.”

¹⁹ Eme Josuazi ñic ñokac zinuc jazawec: “Wofun e Tiri Anutu, e zoqac-ticnehec, irec ñoñe kinan sâcne mi qacneninmu. E kin bahac â qaqatara-ñenñic moc mi behe-jâmbânkeocmu. ²⁰ Ñoñe nemu kinan qajarehuc Wofun fârine râpeckeninmuo ine wiâc bianne enjareweczi ñerisierâ wiâc hâhâwicne bâmâckehuc enjarerâ sipiric-ñopaocmu hâcne.” ²¹ Eme ñic ñokac jañe Josua âzâcnembin: “Aricne, nâñe Wofun kinan qacnenanmu.” ²² Eme Josuazi ñic ñokac jazawec: “Ñoñe ñañaczia fune-ñenñic muhuc Wofun kinan qacneninthe mutaninñengopien hâcne.” Eme jañe mumbin: “Nâñe nânac fune-nâñec muñgopenen.” ²³ Eme eki muwec: “Irec nemu jabane bajunñopien i bârârie-fârerâ Israere Wofun Anuturao man mamanasu-ñenñic râepie fosanankezejec.” ²⁴ Eme ñic ñokac jañe Josua âzâcnembin: “Wofun Anutu-nâñecte mic reñkerâ kinan qacnenanmu.” ²⁵ Mupie Josuazi zoan ira ñic ñokac jañe Anutuhec zâfic-jopahuc Sikem haeo sâcmutâc â tinne ñujure dân mutâcne-jare-fârewec. ²⁶ Ehuc dân sasawa i Anutu sâcmutâc-ticnere papia qizecko qârenkewec. Erâ qânâ sâko moc rorâ borinñunko Wofunthe furu mâren fowec ira âkendânñeme domawec. ²⁷ Erâ Josuazi ñic ñokac jazawec:

“Qânâ zi honenḡopien, e Wofunzi dân sasawa nâzâwec i mana-fârekac. Eme nḡe Anutu-nenḡic enzaḡauc ecnehuc eatuckeninḡmuo ine eki funḡe-nenḡic sâcne rituocmu.” ²⁸ Eme Josuazi nḡic sasawa mârenḡ ro rauc embinḡ sâc sorec-jopame râwinḡne-fârembinḡ.

Josua â Eleaza jahe hâmopic

²⁹ Wiac sasawa ewarehuc jumbinḡ irec faicnao Wofunḡe kinḡanḡic Nunḡe nḡokâ Josua e jara 110 bazurâ hâmowec. ³⁰ Hâmome e jahacne mârenḡ Timina-Sera Eferaim tiki mârenḡko Gasi tiki nḡekac irec faicnao duckembinḡ.

³¹ Eme Israe nḡic jaḡe Josuare damenḡko â ere faicnao Wofunḡzi Israe nḡic jaḡerao gie bame sâc hone manac embinḡ sonḡanḡ i jaḡere damenḡko wâc Wofunḡ kinḡanḡ qacnehuc jumbinḡ.

³² Eme Israe nḡic jaḡe Josefere siec Aigita mârenḡkonec bawefumbinḡ i Sikem haeo Jakobozi mârenḡ dâkâne moc Sikemte mamac Hamoro ere nḡokâfâc jaḡeraonec monenḡ kâcqene 100-zi furine bawec ira duckembinḡ. Mârenḡ i hâcne Josefere qâricfâc jaḡe ro rauc embinḡ.

³³ Eme Aronḡe nḡokâ Eleaza e wâc inḡuc jaha hâmowec. Eme jaḡe nḡokâ-ticne Pinehasi ere hae Gibeas, Eferaim tiki mârenḡko râcnembinḡ, ira duckembinḡ.

Kâte Bible
The Holy Bible in the Kâte language of Papua New
Guinea
Buk Baibel long tokples Kate long Niugini

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-11-22

PDF generated using Haiola and XeLaTeX on 11 Nov 2022 from source files dated 30 Nov 2021

76869875-8293-5126-8b67-c576c145ac3c